



ახალი ბენათლები

9 - 15 ივნისი
ფასი 1 ლარი 70 თეთრი

№22 (736) ბაზრობის 1998 წლიდან

www.axaliganatleba.ge

MCC მთავარ ორიენტირს ხარისხზე აკეთებს

ათასწლეულის გამოწვევის ფონდი – საქართველოს მიერ, საჯარო სკოლების ინფრასტრუქტურის სარეაბილიტაციო სამუშაოების გასაცნობად, მდინათური მოქმედების მონიტორინგით სამი სოფლის – ქარაღის რაიონის კეხიჯვრისა და გეგინის და გორის რაიონის ხიდისთავის საჯარო სკოლები. ვიდეო უშუალოდ ამ სკოლების ამგვარ გადამავლ, მკითხველს მიწვდის შედეგს, რომ ათასწლეულის გამოწვევის კორპორაციის (MCC) მიერ საქართველოსთვის გამოყოფილი კომპაქტით (გრანტით) განსაზღვრულია საჯარო სკოლების სასწავლო ბარემოს გაუმჯობესება, ინფრასტრუქტურის რეაბილიტაცია, საბუნებისმეტყველო ლაბორატორიებით აღჭურვა და მოვლა-პატრონობის სისტემის შემუშავება-დანერგვა.

პროექტის შედეგად მოხდება საჯარო სკოლების სასწავლო ბაზის სრული რეაბილიტაცია, საერთო სარეაბილიტაციო ღირებულების და კომუნიკაციების რეკონსტრუქცია. პირველი სარეაბილიტაციო სეზონი მცხეთა-მთიანეთის, შიდა ქართლის და სამცხე-ჯავახეთის რეგიონებში 30-მდე საჯარო სკოლას მოიცავს, ხოლო მომავალი სამი წლის განმავლობაში 100-მდე საჯარო სკოლის რეაბილიტაცია იგეგმება საქართველოს სხვადასხვა რეგიონში. შესაბამისად, პროექტის შედეგად, გაუმჯობესდება სასწავლო ბარემო და განათლებისადმი ხელმისაწვდომობა 37 ათასზე მეტი ბავშვისთვის, ხოლო პირველი სარეაბილიტაციო სეზონი 10 ათასზე მეტ ბავშვს მოიცავს.

რა კრიტიკულობით შეიქმნა სარეაბილიტაციო სკოლები და როგორ განისაზღვრა სტანდარტი – ამის შესახებ, ათასწლეულის გამოწვევის ფონდი – საქართველოს დირექტორმა მარგაბე მგებელიმ განაცხადა, რომ საქართველოში არსებული სკოლები ათასწლეულის გამოწვევის კორპორაციის მიერ დაძირავებული ამერიკულმა კომპანიამ შეაფასა: „ჩამოყალიბდა კრიტერიუმები და პირველი კრიტერიუმები, რომლის მიხედვითაც სკოლების შეფასება ხდება, განეფიცირება რაოდენობა, შემდეგ – ინფრასტრუქტურული მდგომარეობა, ასევე, იმის განსაზღვრა, რამდენად დიდია სოციალურად შეჭირვებული ოჯახების რაოდენობა იმ რეგიონში და ა.შ. შემდეგ, ყოველგვარი სუბიექტური ფაქტორების გამოორცილებით, შემთხვევითი შერჩევის კრიტერიუმებით მოხდა სკოლების იდენტიფიცირება. დასათვალისწინებლად დაგეგმილი სკოლები, განეფიცირება რაოდენობის მხრივ, მართლაც დიდი სკოლებია, სადაც მასობრივად თვალსაჩინო იქნება ამ ინვესტიციის სარგებელი.“



გვერდი 4

ახალი თაობის ეროვნული სასწავლო გეგმა



გვერდი 5

საქართველოს განათლებისა და მეცნიერების სამინისტრომ ახალი, 2017-2023 წლების, ეროვნული სასწავლო გეგმის პრეზენტაცია გამართა, რომელიც 2017-2018 სასწავლო წლიდან ამოქმედდება და მისი დანერგვა დაწყებითი საფეხურით (I-IV კლასები) დაიწყება.

ეროვნული სასწავლო გეგმა საბაზისო დოკუმენტია, რომელიც განსაზღვრავს, რა, როდის და როგორ უნდა ისწავლებოდეს საქართველოს ზოგადსაგანმანათლებლო სკოლებში. კერძოდ, განსაზღვრავს: სწავლა-სწავლების მიზნებსა და საგანმანათლებლო პრინციპებს; ძირითად მეთოდურ ორიენტირებს; საგანმანათლებლო პროცესის ორგანიზებას; მოსწავლის შეფასების სისტემას; სავალდებულო და არჩევით საგნებს; საგანთა სწავლის მიზნებსა და შინაარსს; საათობრივ ბადას, ანუ საგანთა კვირეულ განაწილებას; ინკლუზიური განათლების პრინციპებს და ა.შ.

ლონისძიება განათლებისა და მეცნიერების მინისტრმა ალექსანდრე ჯეჯელავამ გახსნა. რევიზირებული ეროვნული სასწავლო გეგმის სიახლეებსა და პრიორიტეტებზე ვრცლად ისაუბრეს განათლებისა და მეცნიერების მინისტრის მოადგილემ ლია ბიგაშვილმა და ეროვნული სასწავლო გეგმების დეპარტამენტის უფროსმა ნათია ჯონაძემ.

მეთორმეტკლასელთა გამოსაშვები გამოცდებისა და ეროვნული გამოცდების ნახევრად ელექტრონული ფორმატის აპრობაციის შესახებ გვესაუბრება შეფასებისა და გამოცდების ეროვნული ცენტრის ხელმძღვანელი მანია მიმინოშვილი

„გაცილებით მეტი დრო, წლის განმავლობაში, სწორედ შედეგების ინტერპრეტაციას უნდა დაეთმოს, აღმოვაჩინოთ ის ფაქტორები, რომლებიც გამოსასწორებელია, ასევე, ფაქტორები, რომლებიც ზეგავლენას ახდენს მოსწავლეების მიღწევებზე და რა არის გასაკეთებელი, რითი შეიძლება შეიცვალოს ვითარება. შემდეგ, თუ სწორი ნაბიჯები გადაიდგმება, ბუნებრივია, გამოცდებზეც მივიღებთ შესაბამისად გაუმჯობესებულ შედეგებს.“



გვერდი 2





კავკასიის უნივერსიტეტი
CAUCASUS UNIVERSITY

კავკასიის უნივერსიტეტი (კავკასიის სამართლის სკოლა) ასხადებს კონკურსს პროფესორის (5 ვაკანტური ადგილი) და ასოცირებული პროფესორის (3 ვაკანტური ადგილი) თანამდებობების დასაკავებლად შემდეგ დისციპლინებში:

- კერძო სამართალი (1 პროფესორი, 1 ასოცირებული პროფესორი);
- საჯარო სამართალი (2 პროფესორი, 1 ასოცირებული პროფესორი);
- სისხლის სამართალი (1 პროფესორი);
- საერთაშორისო სამართალი (1 პროფესორი, 1 ასოცირებული პროფესორი).

საკვალიფიკაციო მოთხოვნები:

ა) პროფესორისთვის

- დოქტორის ხარისხი შესაბამის სფეროში;
- ლექტორად მუშაობის და დისციპლინის შესაბამის სფეროში მუშაობის, მინიმუმ, 6-წლიანი გამოცდილება;

ბ) ასოცირებული პროფესორისთვის

- დოქტორის ხარისხი შესაბამის სფეროში;
- ლექტორად მუშაობის და დისციპლინის შესაბამის სფეროში მუშაობის, მინიმუმ, 3-წლიანი გამოცდილება.

დაინტერესებულმა პირებმა უნდა წარმოადგინონ:

- კურსის/კურსების სილაბუსი/სილაბუსები;
- CV-რეზიუმე;
- პირადობის მოწმობის ასლი;
- კვალიფიკაციის დამადასტურებელი დიპლომის ასლი (საზღვარგარეთ დაცული ხარის-

ხის შემთხვევაში, ავთენტურობაზე საჭირო დოკუმენტაცია, ხოლო საქართველოში დაცული ხარისხის შემთხვევაში – დიპლომის ნოტარიულად დამოწმებული ასლები);

- სამეცნიერო-პედაგოგიური მოღვაწეობის დამადასტურებელი ცნობა;
- გამოქვეყნებული სამეცნიერო შრომების სია;
- სამეცნიერო კონფერენციებში მონაწილეობის დამადასტურებელი დოკუმენტაცია (ასეთის არსებობის შემთხვევაში).

კონკურსი ჩატარდება სამ ეტაპად:

I ეტაპი – წარმოდგენილი დოკუმენტების გადარჩევა;

II ეტაპი – პრეზენტაცია;

III ეტაპი – კონკურსის შეჯამება.

დაინტერესებულმა პირებმა, გთხოვთ, გამოაგზავნონ მითითებული დოკუმენტები, შემდეგ მისამართზე: hr@cu.edu.ge

გთხოვთ, საგნის დასახელების ველში მიუთითოთ შესაბამისი აკადემიური თანამდებობის და დისციპლინის სახელწოდება!

საბუთების მიღება: 2016 წლის 9 ივლისიდან – 9 აგვისტოს ჩათვლით

კავკასიის უნივერსიტეტი იტოვებს უფლებას, გადაამოწმოს თქვენ მიერ მოწოდებული ინფორმაცია. დაკავშირება მოხდება მხოლოდ შერჩეულ კანდიდატებთან.

გამოცდავი — 2016

მეთორმეტკლასელთა გამოსაშვები გამოცდებისა და ეროვნული გამოცდების ნახევრად ელექტრონული ფორმატის აპრობაციის შესახებ გვესაუბრება შეფასებისა და გამოცდების ეროვნული ცენტრის ხელმძღვანელი მაია მიმინოშვილი

მივიღოთ ღიაბნოში, როგორც არის, რაც უნდა მტკიცებული იყოს

– როგორ შეაფასებთ მეთორმეტკლასელთა საატესტატო გამოცდების შედეგებს?

– ნელს, რატომღაც, გახანგრძლივდა საუბარი ამ თემაზე და განჩნდა კითხვები იმასთან დაკავშირებით, რომ ნელს გაცილებით უარესი შედეგი იყო, ვიდრე წინა წელს. მე ასე ტრაგიკულად და დრამატულად ნამდვილად არ ვუყურებ, მიუხედავად იმისა, რომ გამოიკვეთა ორი საგანი – მათემატიკა და უცხო ენა, სადაც იმ მოსწავლეების რაოდენობა, რომლებმაც კომპეტენციის მინიმალური ზღვარი ვერ გადალახეს, უფრო მეტი იყო, ვიდრე, მაგალითად, შარშან. თუმცა, გვახსოვს წლები, მაგალითად 2011 წელი, როდესაც უარესი შედეგი გვქონდა. ასე რომ, სურათი ნლიდან წლამდე იცვლება და დრამატული სხვაობა ნამდვილად არ დაფიქსირებულა. გაისად, შეიძლება, ამ კუთხით, უკეთესი შედეგი გვქონდეს, შემდეგ წელს – უარესი, მაგრამ ერთი შეგვიძლია ვთქვათ ერთმნიშვნელოვნად, რომ ვითარება გაუმჯობესებული არ არის, რაც, თავისთავად, ძალიან სამწუხაროა. დაახლოებით, 2900-მდე მოსწავლე, რომელიც რეგისტრირებული იყო ერთიანი ეროვნული გამოცდებისთვის, გამოეთიშა ამ პროცესს იმიტომ, რომ ერთ-ერთ საგანში ვერ მოახერხა ბარიერის (მინიმალურზე მინიმალური) გადალახვა. მე თუ მკითხავთ, ასეთი მოსწავლე 2900 კი არა, 200-იც რომ გვყავდეს ან 50, რა თქმა უნდა, ძალიან გულსატკეპნია.

გულსატკეპნია იმიტომ, რომ გამოსაშვებ გამოცდებზე ბარიერი გვაქვს ისეთი, რომ ბარიერისა ცი ვერ დაარქმევ – 5 ქულიდან იწყება ათვლა და 5,5 უნდა გადალახოს მოსწავლემ, გამოცდა რომ ჩაბარებულად ჩაეთვალოს. ჩვენ, შეგნებულად, მინიმალურზე მინიმალურ სტანდარტზე ვაკეთებთ აქცენტს. ამ წლების განმავლობაში, არ მოგვეცა შესაძლებლობა, რომ ბარიერი ოდნავ მაინც აგვეწია, იმიტომ რომ, თუ ოდნავ მაინც აინევა ბარიერი, ბევრი მეთორმეტკლასელი დარჩება ატესტატის გარეშე. როცა გვყავს გარკვეული რაოდენობა მოსწავლეებისა, რომლებიც მინიმალურზე მინიმალურ სტანდარტს ვერ აკმაყოფილებენ, ეს ყოველი ჩვენგანისთვის უნდა იყოს დამაფიქრებელი და გულსატკეპნი. აქედან გამომდინარე, ვერაფრით ვერ ვიტყვი, ისევე როგორც შარშან, რომ ჩვენი მოს-

წავლეების შედეგები დამაკმაყოფილებელია.

მთავარი და მნიშვნელოვანი ერთი რამეა, ამასაც მინდა ხაზი გავუსვა, საუბარი მაშინ კი არ უნდა დავიწყოთ და აფიოტაფი კი არ უნდა შევქმნათ, როცა კონკრეტული საგამოცდო პერიოდი დასრულდება, ამას მანამდე სჭირდება კარგი დაფიქრება – რა არის გამოსასწორებელი ამ მიმართულებით, რა უნდა გაკეთდეს იმისათვის, რომ არასახარბიელო შედეგი არ მივიღოთ. როგორც წესი, მთელი წელი გაუმეზღვრებული ვართ, ჩატარდება გამოცდა, მივიღებთ კონკრეტულ შედეგს და მერე გვიკვირს, რატომ გვაქვს ასეთი შედეგი. რატომ გვაქვს და ამ თემაზე მხოლოდ გამოცდის შედეგებით საუბარი სწორი არ არის. გამოცდას თავისი მიზნები აქვს, კონკრეტულად გამოსაშვები გამოცდა ტარდება იმისათვის, რომ გაიცეს საშუალო განათლების ატესტატი, მაგრამ რატომ არის, მაგალითად მათემატიკაში, საგნის სწავლების კუთხით მსგავსი ვითარება, ამაზე, რა თქმა უნდა, საგანმანათლებლო კვლევები გაგვცემენ პასუხს. მე პირადად მგონია, რომ გაცილებით მეტი დრო, წლის განმავლობაში, სწორედ შედეგების ინტერპრეტაციას უნდა დავეთვოთ, აღმოვაჩინოთ ის ფაქტორები, რომლებიც გამოსასწორებელია, ასევე, ფაქტორები, რომლებიც ზეგავლენას ახდენს მოსწავლეების მიღწევებზე და რა არის გასაკეთებელი, რითი შეიძლება შეიცვალოს ვითარება. შემდეგ, თუ სწორი ნაბიჯები გადაიდგმება, ბუნებრივია, გამოცდებზეც მივიღებთ შესაბამისად გაუმჯობესებულ შედეგებს.

სამწუხაროდ, უნდა ვთქვა, რომ ვითარება უკეთესობისკენ არ შეცვლილა, მაგრამ იმას, რომ გაცილებით უარესი სურათი გვაქვს, არ ვეთანხმები.

– თუ არის სკოლები, სადაც ვერც ერთმა მოსწავლემ ვერ გადალახა ბარიერი და ისეთები, სადაც ყველა წარმატებული მოსწავლეა, მაგალითად, რუსთავის სკოლას ჰყავს წარმატებული მოსწავლეები

– მირჩევნია, პოზიტივზე ვისაუბროთ. რუსთავის მე-4 საჯარო სკოლა მხოლოდ გამოსაშვები გამოცდების შედეგებით არ გამოირჩევა, ეს არის სკოლა, რომელსაც მართლაც ძალიან კარგი წარმატებები აქვს, მოსწავლეთა მიღწევების მიხედვით –

იქნება ეს ოლიმპიადები, გამოსაშვები გამოცდები თუ აბიტურიენტთა წარმატებები. ნამდვილად სასიხარულოა, რომ ამ სკოლის ოთხმა მოსწავლემ ყველა საგანში უმაღლესი შეფასება დაიმსახურა. გვყავს ისეთი მოსწავლეებიც, რომლებმაც რვავე საგანში უმაღლესი შეფასება მიიღეს, რა თქმა უნდა, ეს ძალიან სასიამოვნოა. რაც შეეხება სკოლებს, რომლებსაც ცუდი შედეგები ჰქონდათ, მათი დასახელებისგან ნამდვილად შევიკავებ თავს, რადგან მიმაჩნია, რომ ამ კუთხით სკოლების რეიტინგი გამართლებული არ იქნებოდა. ყველა სკოლამ იცის საკუთარი შედეგი და, ბუნებრივია, ეს მათი პასუხისმგებლობაა, იმიტომ უნდა დაფიქრდნენ, რატომ ვერ ახერხებენ მათი მოსწავლეები ისეთი შედეგის ჩვენებას, როგორც საჭიროა. სამწუხაროდ, არის სკოლები, სადაც სრულიად არასახარბიელო ვითარებაა.

ჩვენ სკოლების წარმატება-წარუმატებლობის სტატისტიკას არ ვაკეთებთ, ასეთი ინფორმაცია უფრო განათლების სამინისტროს უნდა აინტერესებდეს. როდესაც რაღაც კონკრეტულ აქტივობას ვასრულებთ, რაც არ არის კონფიდენციალური, მთლიან ბაზას გადავცემთ Emis-ს. განათლების სამინისტროს შეუძლია, ბაზის მონაცემები სხვადასხვა ჩრილში, სტატისტიკურად დაამუშაოს, როგორც სურს და რა მხრივაც აინტერესებს. რა თქმა უნდა, ჩვენ შეგვიძლია გავაკეთოთ, რეგიონების მიხედვით, რა ვითარებაა, უბრალოდ ეს არც არის ჩვენი ინტერესების სფერო.

– როგორია ზოგადი სურათი – ქალაქის სკოლებში უკეთესი მდგომარეობა თუ რეგიონების?

– კვლევის შედეგებით თუ ვიმსჯელებთ, განსხვავება ნამდვილად არის. ქალაქის სკოლებში უკეთესი ვითარებაა, თუმცა არც აქაა დამაკმაყოფილებელი მდგომარეობა, მაგრამ სერიოზული განსხვავებაა ისევე, როგორც საჯარო და კერძო სკოლებს შორის – კერძო სკოლებში შედარებით უკეთესია.

ძალიან კარგი იქნებოდა, ამ საგანმანათლებლო კვლევის შედეგები კიდევ უფრო დეტალურად განხილულიყო, პირველ რიგში, რა თქმა უნდა, სამინისტროს მხრიდან და საზოგადოებაც აუცილებლად უნდა დაინტერესდეს. ტრადიციულად გვექმნება, მაინც და მაინც, გამოცდების შემდეგ და მანამდე არ ვფიქრობთ, სასურველი შედეგი რომ მივიღოთ, რა არის გამოსასწორებელი.

გამოსვლა — 2016

კვლევების შედეგებს თუ დავეყრდნობით, წარმატებული მოსწავლეების რაოდენობის მხრივ, ზოგადად, სკოლებში არასახარბიელო ვითარებაა. სახელმწიფო შეფასების შედეგებიც გვაქვს და როცა საუბარი იმაზე, რომ, მაგალითად მათემატიკაში, მოსწავლეთა 30% დაბალი საფეხურის მიღმაა, ეს ნიშნავს, რომ უმარტივეს დაბალი საფეხურისთვის განკუთვნილ დავალებებსაც ვერ ძლევენ. საბუნებისმეტყველო საგნებში კიდევ უფრო მაღალი მაჩვენებელია. მოდით ეს კომენტარის გარეშე დავტოვოთ. ამას მიხედვა სჭირდება და არა მხოლოდ გამოცდებით.

მათემატიკა და საბუნებისმეტყველო საგნები ნამდვილად პრობლემური იყო და, სამწუხაროდ, რჩება. თუ TIMSS-ის კვლევის შედეგებს გადავხედავთ, ვნახავთ, რომ მეოთხე კლასში უკეთესი ვითარება გვაქვს, გაცილებით უარესი – მერვე კლასში. ეს რას ნიშნავს? დასკვნა ხომ უნდა გამოვიტანოთ. ჩვენ მოვახერხებთ და მოსწავლეებს ეს საგნები შევადარებთ. დაწყებით კლასებში მოსწავლეები მოტივირებული არიან, უფრო განწყობილები იმისათვის, რომ ისწავლონ რამე ახალი. მერე, რაც უფრო ზემოთ ავდივართ, ვახერხებთ, რომ მოსწავლეს დაეკარგინოთ ყველანაირი ინტერესი ამ საგნების მიმართ. აქედან გამომდინარე, ეს პრობლემა სერიოზული მისახედაა. სამწუხაროდ, ვითარება ასეთია.

ეს ყველაფერი მისაღებ გამოცდებზეც აისახა, იმ თვალსაზრისით, რომ აბიტურიენტების რაოდენობა, ვინც არჩევით საგნად, მაგალითად, ირჩევს მათემატიკას ან საბუნებისმეტყველო საგნებს, დრამატულად მცირდება. ქიმიას და ფიზიკას ისედაც აბიტურიენტების მცირე რაოდენობა ირჩევდა. როცა დავინყებთ ეროვნული გამოცდები, მათემატიკაში ტესტის სამი ვარიანტი გვჭირდებოდა, პირველი წელია, როცა მხოლოდ ერთი ვარიანტი გვქონდა, იმდენად შემცირდა აბიტურიენტების რაოდენობა, ვინც მათემატიკას აბარებს. რა თქმა უნდა, არაფერს ვერჩი გეოგრაფიას, ისტორიას და ჰუმანიტარულ საგნებს, მაგრამ იქ იზრდება აბიტურიენტების რაოდენობა, სამაგიეროდ, დრამატულად მცირდება მათემატიკასა და საბუნებისმეტყველო საგნებში. ესეც რაღაცაზე მიუთითებს, არა? ამ დროს კი ვაცხადებთ, რომ ეს მიმართულებები პრიორიტეტია ქვეყნისთვის, პრიორიტეტულობა უნდა გულისხმობდეს იმას, რომ განსაკუთრებული ყურადღება მივაქციოთ, აუცილებლად დავინახოთ რეალური სურათი, მივიღოთ დიაგნოზი, როგორც არის, რაც უნდა მტკიცებული იყოს (დიაგნოზის გარეშე მკურნალობა წარმოუდგენელია) და დავინყებთ ნაბიჯ-ნაბიჯ ვითარების გამოსწორებას. წინააღმდეგ შემთხვევაში, სულ ასე ვიქნებით. ეს ხომ მოსწავლის, აბი-

ტურიენტის ბრალი არ არის. ამას ძალიან სერიოზული და, რაც მთავარია, სისტემური მიდგომა სჭირდება, ყველა იმ ფაქტორის გათვალისწინება და აღმოჩენა, სად გვაქვს პრობლემა, რომელიც გავლენას ახდენს ჩვენი მოსწავლეების მიღწევებზე. ეს არის, რა თქმა უნდა, მასწავლებლების კვალიფიკაცია, სახელმძღვანელოები, სასკოლო რესურსები, ოჯახი, მიკროგარემო და უამრავი ფაქტორი, რომელიც პირდაპირ გავლენას ახდენს მოსწავლეების მიღწევებზე. კვლევები სწორედ ამის საშუალებას გვაძლევს, დავადგინოთ, სად არის ყველაზე დიდი პრობლემა და პირველ რიგში რა უნდა გამოვსწორდეს, მიზანმიმართულად რა ნაბიჯები უნდა გადავიდგას.

2005 წლიდან ვმონაწილეობთ ნიგნიერების საერთაშორისო კვლევაში (Pirls), რომელიც, მე თუ მკითხავთ, ერთ-ერთი ყველაზე მნიშვნელოვანი კვლევაა იმიტომ, რომ უნარი, რომელიც ამ კვლევის საგანია, კრიტიკული მნიშვნელობისაა. თუ 9-10 წლის მოზარდს სათანადოდ არ აქვს ჩამოყალიბებული კითხვის უნარი, მას მართლა სერიოზული პრობლემები ექნება შემდეგ საფეხურებზე და აქ საუბარია არა მხოლოდ ჰუმანიტარულ, საბუნებისმეტყველო საგნებზეც. მაგალითად, როდესაც ბავშვს მათემატიკაში ამოცანის პირობა არ ესმის, ვერ ხსნის ამოცანას, ვერ იაზრებს, რას ეკითხებიან. ნაკითხულის გააზრება აუცილებელია და მნიშვნელოვანი უნარია და ამას უნდა მიექცეს ყურადღება. კვლევის პირველ ციკლში ძალიან ცუდი შედეგები ვაჩვენებთ, მეორე ციკლში გაუმჯობესებული იყო, რა თქმა უნდა, არადამაკმაყოფილებელი, მაგრამ, წინა ციკლთან შედარებით, გაუმჯობესებული. საინტერესოა, რატომ მოხდა ეს. ანგარიშის, რომელიც კვლევის დასრულების შემდეგ მომზადდა, მნიშვნელოვანი ნაწილია რეკომენდაციები (ეს ჩვენი ვალდებულებაა, როცა ვამზადებთ ნაციონალურ ანგარიშს). ბევრმა არასამთავრობო ორგანიზაციამ კონკრეტული აქტივობები დაგეგმა. მაგალითად, იყო ასეთი რეკომენდაცია – კითხვის გაკვეთილის შემოტანა ეროვნულ სასწავლო გეგმაში, ცალკე კითხვის გაკვეთილი და არა, დაფუძვთ, ინტეგრირებული ქართული ენის გაკვეთილთან. ამ კუთხით, ძალიან ბევრ სკოლასთან იმუშავეს და მიზანმიმართულმა აქტივობებმა შედეგი გამოიღო, რომელიც კიდევ უფრო მეტად უნდა გავაუმჯობესოთ. ჩვენ თუ მხოლოდ იმით დავაკავდებით, რომ ვიძახებთ, პრიორიტეტულია მათემატიკა და საბუნებისმეტყველო საგნები, მაგრამ ვივითომებთ მხოლოდ გამოცდების შედეგების შემდეგ, ვითარება არ გამოსწორდება, თუ არ გაუარესდა. მაგალითად TIMSS-ის კვლევაში, წინა ციკლში (ახლაც მივიღეთ მონაწილეობა, მაგრამ შედეგები ცოტა მოგვიანებით გვექნება), რიგ შემთხვევაში, ვითარება გაუარესებულიც

გვაქვს. თუ ამას ისევ თაროზე შემოვდებთ და არაფერს ვიმოქმედებთ ამ მიმართულებით, შემდეგ წელს იგივე ვითარება დავიხვდებით და დავინყებთ ვიშვილს, რატომ არის ასეთი შედეგები.

ძალიან კარგად ვიცით, რომ დაწყებითი კლასების მოსწავლეებისთვისაც იყვანენ მშობლები რეპეტიტორებს. ისინიც გამოცდებისთვის ხომ არ ემზადებიან? აქედან გამომდინარე, სკოლას დღესაც ძალიან უჭირს და გამოცდების შედეგების განხილვით არ უნდა დაიწყოს ამ თემაზე საუბარი.

– როგორც წესი, ხშირ შემთხვევაში, წარუმატებლობის მიზეზად ტესტების სირთულე სახელდება...

– ამას ვერაფრით ვერ იტყვიან გამოსაშვებ გამოცდებზე, აქ არარელევანტურია ამ კითხვის დასმა. ეს კითხვა შეიძლება დავსვათ, მაგალითად, მისაღებ გამოცდებთან დაკავშირებით, რადგან, ყოველწლიურად ტესტების ახალი ვარიანტი დგება და რაც არ უნდა მცდელობა გვექონდეს (და ამას ვაკეთებთ მთელი წლის განმავლობაში), რომ საშუალო სირთულესთან მიახლოებული ტესტი გამოგვივიდეს და განსხვავება არ იყოს წინა წლისა და წლევიანდელ ტესტს შორის, მაინც შეიძლება გვითხრან – კი ეცადე მთელი წელი, მაგრამ მაინც რთული გამოგივიდა. კომპიუტერზე ადაპტირებული ტესტირების შემთხვევაში, ეს პრეტენზია სრულიად არარელევანტურია, იმიტომ რომ, რა სირთულის დავალება მოუვა კონკრეტულ მოსწავლეს, მხოლოდ მასზეა დამოკიდებული. თუ ის მხოლოდ მარტივ დავალებებს პასუხობს და ვერ ართმევს თავს საშუალო სირთულის ან რთულ დავალებებს, არ მოუვა რთული დავალება, იტრიალებს მარტივი და უმარტივესი დავალებების ბლოკში. თუ კარგად ართმევს თავს დავალებებს, რა თქმა უნდა, მაშინ პროგრამა, ავტომატურად, ეტაპობრივად ურთულებს დავალებებს. ასე რომ, გავიმოწმებ, როგორი სირთულის დავალება მისდის, ეს მხოლოდ და მხოლოდ კონკრეტულ მოსწავლესა და დამოკიდებულია. რას გულისხმობს ბარიერი? თითოეულ მოსწავლეს, საშუალოდ, 40 დავალება მისდის (ზოგს შესაფასებლად მეტი დავალება სჭირდება, ზოგს – ნაკლები) და, უმარტივესი დავალებების ბლოკიდან, 15-ს მაინც უნდა უპასუხო, რომ გადალახოს ბარიერი. გულსატკეპნი ნამდვილად, როდესაც მეთორმეტკლასელს არ აქვს იმის ცოდნა, რომ ისეთი ტიპის დავალებას გასცეს სწორი პასუხი მათემატიკაში, მაგალითად, როგორც არის: 37-ის 5-ზე გაყოფით ნაშთი რა რჩება. როდესაც მეთორმეტკლასელი მსგავს შეკითხვაზე არასწორ პასუხს იძლევა საუბარია ხუთზე გაყოფადობაზე, რაზე ვსაუბრობთ, სულ რომ ათი ბავშვი იყოს ასეთი ან თუნდაც ორი?!

აკრობასიის მიზანი – პროცესის გამოცდა

– ჩატარდა ერთიანი ეროვნული გამოცდების ნახევრად ელექტრონული ფორმატის აპრობაცია. გავრცელებული ინფორმაციით, შედეგები არც აქ იყო კარგი...

– მე აქ შედეგებზე არ ვიმსჯელებდი. ჯერ ერთი, არც ვიცო, გულწრფელად გეტყვი, როგორი შედეგებია. ჩვენთვის ეს საინტერესო ნამდვილად არ არის. პირველი იმიტომ, რომ უნარების არასრული ტესტი შევთავაზებთ, დავალებების გამოცდაზე იყო საუბარი და უფრო მოკლე ტესტი იყო, ვიდრე რეალურად გვაქვს გამოცდაზე, აბიტურიენტებს საშუალოდ 2 საათი ჰქონდათ მიცემული და არა 3 საათი. გეოგრაფიაშიც ახალი დავალებების გამოცდას იასახავდა მიზნად, ეს არ არის ტესტის უსტილი ფორმატი, რომელიც საგამოცდოდ გამოიყენება. ამ აპრობაციას კიდევ ის დატვირთვა ჰქონდა, შინაარსობრივი კუთხით, რომ იქ იქნება ისეთი დავალებები, რომლებიც არ ივარგებს, არ იმუშავებს, იქნება ისეთი, რომელსაც კორექტირება დასჭირდება და იქნება კარგი დავალებებიც, დიდი იმედი მაქვს. ასე რომ, ეს მნიშვნელოვანი იყო ჩვენი სამუშაოსთვის, თუმცა, რა თქმა უნდა, მოსწავლეებმა მიიღეს გარკვეული გამოცდილება. პილოტირებას უფრო ის დატვირთვა ჰქონდა, რომ გავგველო გენერალური რეპეტიცია, როგორი იქნებოდა თვითონ პროცესი. სერიოზული დატვირთვა ექნებათ იმ ადამიანებს, ვინც საგამოცდო ცენტრებში არიან, ყველისხმობ ცენტრის ადმინისტრატორს და კოორდინატორს, თანაშემწეს, IT სპეციალისტს და ა.შ. – როგორ მოხდება ჩვენი აპლიკანტების მომსახურება, დაწყებული რეგისტრაციიდან საგამოცდო დროის ამონურვამდე, უკვე ახალი შეთავაზებული სქემით. ამის გამოცდა იყო ჩვენი მთავარი მიზანი. რამდენიმე სისტემა გამოცდადეთ, რადგან ყველაზე ეფექტური გვინდოდა ავერჩია. აქედან გამომდინარე, მოსწავლეებს ცოტაოდენი დისკომფორტიც კი შეუქმენით – ერთი სისტემიდან მეორეზე რომ გადავდიოდით, ელექტრონული ბუკლეტის მინორდებისთან დაკავშირებული პატარა შეფერხებები იყო. თუმცა, ეს აუცილებელი იყო, რომ რეალურ ვითარებაში გამოგვეცადა. ძალიან მნიშვნელოვანი დღე იყო, შევთანხმდით და შევარჩიეთ კონკრეტული სისტემა, რისი მშვეობითაც მივეცხასხურებთ ჩვენს აპლიკანტებს გამოცდებზე.

– როგორი იყო აბიტურიენტების განწყობა, ხომ არ იგრძნობოდა გარკვეული დღევა ან დაბნეულობა?

– დაბნევით არც ერთი აპლიკანტი არ დაბნეულა. ყველას ვეკითხებოდი, რამდენად მისაღები იყო ეს სიახლე. მაგდის ფორმაც კი შევცვალეთ, იმიტომ რომ, აბიტურიენტი თავისუფლად მჯდარიყო მუშაობის დროს. საგამოცდოდ მაგიდები, საკმარისი არ აღმოჩნდა, იმიტომ ორი აბიტურიენტი კომბინაციით მოეწყვეთ სამუშაო სივრცე და მგონია, რომ ძალიან კარგად გამოგვივიდა. რაც შეეხება თავად ელექტრონულად ტესტირების დავალებებს კითხვას, არც ერთ აბიტურიენტს არ გამოუთქვამს პრეტენზია, რომ გაუჭირდა ეკრანზე დავალების ნაკითხვა. ჯერ ერთი, შრიფტია გაზრდილი, ბეჭდვის დროს 12-იან ან უფრო ნაკლებ შრიფტს ვიყენებდით, აქ, მინიმუმ, 16-იანი შრიფტია, რიგ შემთხვევაში – 20-იანიც. ამასთანავე, ბუნებრივია, იქ, სადაც სასურველია, ტესტირების დავალებები ფერადი იყოს, ფერებსაც მაქსიმალურად ვიყენებთ. ასე რომ, აღქმადობის თვალსაზრისით, ჩემი აზრით, პირიქით, ძალიან ნორმალური იყო.

– თუ ჩაეტენ განსაზღვრულ დროში აბიტურიენტები?

– უნარებისთვის, გავიმოწმებ, სამი საათის ნაცვლად, ორი ჰქონდათ მიცემული იმიტომ, რომ ტესტი მოკლე იყო, მაგალითად, ნაკითხულის გააზრების ნაწილი იყო ამოღებული მთლიანად. დროში ჩაეტენ, ბევრი ადრეც კი გამოდიოდა.

რაც შეეხება რეალურ გამოცდებს, აპრობაციების შედეგად დადგინდა, რომ დროის მომატება არც ერთ შემთხვევაში არ არის საჭირო. მიუხედავად ამისა, მცირედით, მაგრამ მაინც დავამატეთ საგამოცდო დრო, მაგალითად, ქართულ ენასა და ლიტერატურაში აბიტურიენტებს 15 წუთი დამატებით, იმიტომ რომ, იქ არის დავალება – ტექსტის რედაქტირება, როდესაც ეს დავალება ნაბეჭდ ბუკლეტში იყო, იქვე შექმნილი რედაქციის მონიშვნა, რისი შესაძლებლობაც ეკრანზე არ აქვთ. ტექსტი მცირე ზომისაა, მაგრამ ზოგიერთ აბიტურიენტს, შეიძლება, უფრო გაუადვილდეს, ტექსტი მთლიანად გადმოწეროს, შეცდომები ჩაასწოროს და შემდეგ გადაწეროს პასუხების ფურცელში. თუმცა, ეს არ არის აუცილებელი, შავ ფურცელზე შეუძლია მონიშვნა, სად იპოვა შეცდომა და შემდეგ უკვე სწორი ფორმით გადაწეროს; ზოგიერთ აბიტურიენტს შეიძლება უფრო გაუადვილდეს მთლიანი ტექსტის გადაწერა და არა მხოლოდ შეცდომების. აქედან გამომდინარე, ვიფიქრეთ, რომ ლოგიკური იქნება, დამატოს დრო, პლუს კიდევ ერთი დავალება – ნაკითხული ტექსტის გააზრება, სადაც ტექსტი მთლიანად არ ეტევა ეკრანზე და აბიტურიენტს მოუწევს გადასვლა-დაბრუნება, რაც, მე თუ მკითხავთ, გაცილებით სრაფად ხდება, ვიდრე გადაფურცვლა, მაგრამ მაინც. ფაქტობრივად, ყველა საგამოცდო საგანს მოვუმატეთ დრო, 15 წუთი მაქსიმალურია, ზოგიერთ საგამოცდო საგანს 10 წუთი დავუმატეთ, ზოგს – 5 და ა.შ. არ დავმატა სამაგისტრო გამოცდის ორ ნაწილს, ეს გახლავთ ანალიტიკური წერა, იმიტომ რომ, ეს დავალება ძალიან მცირე ზომისაა. დავალება უნდა ნაკითხი და შემდეგ არგუმენტირებული ესე დაწერო. აქედან გამომდინარე, ეკრანზე მხოლოდ ძალიან მცირე ზომის დავალებას კითხულობ და შემდეგ უკვე პასუხების ფურცელზე მუშაობ; დამატა ნაკითხულის გააზრების ნაწილს სამაგისტრო გამოცდაზე, იმიტომ რომ, იქაც დიდი ტექსტია და, ასე ვთქვათ, გვერდიდან გვერდზე გადასვლა მოუწევს; დამატა, ასევე, ანალიტიკურს და ლოგიკას, რაოდენობრივს – არა. სხვა შემთხვევაში, ფაქტობრივად, ყველას დამატა, დაახლოებით, 10-15 წუთი. უნარებსაც 5-5 წუთი, ჯამში – 10. ბიოლოგიის გამოცდაზე თვითონ ტესტი შემიცირდა – მაქსიმალური 75 ქულის ნაცვლად, 70 ქულა იქნება. აქედან გამომდინარე, დრო არ დამატა. ხელოვნების გამოცდასაც არ დამატა დრო, რადგან ადრე გაცილებით მეტი დრო იყო გამოყოფილი, ვიდრე სჭირდებოდა აბიტურიენტებს.

– როგორია თქვენი მოლოდინი გამოცდების ახალ ფორმატთან დაკავშირებით?

– გულწრფელად გეტყვით, რომ ძალიან ველევათ და გვინდა, ყველაფერი სათანადოდ დონეზე მოვამზადოთ. რთული პროცესია. 21 საგამოცდო ცენტრი გვაქვს, 12 ათასი ლეპტოპი უნდა გამოვიყენოთ გამოცდებზე (ერთ ნაკადაზე 10 ათას აპლიკანტს ვლევულობთ, 12 ათასი ლეპტოპია რეზერვით, რადგან ყველა

საგამოცდო ცენტრში უნდა იყოს რეზერვი). ეს სამუშაო, ფაქტობრივად, დავამთავრეთ, ახლა საგამოცდო ცენტრების მოწყობის პროცესი მიმდინარეობს.

დარწმუნებული ვარ, ყველაფერი კარგად ჩაივლის. ეს პირველი ნაბიჯია, შემდეგი ნაბიჯი, აუცილებლად, იქნება ის, რომ უკვე დახურულბოლოიან დავალებებს შევავსებინებთ ელექტრონულად, რაც გაცილებით მარტივი იქნება აპლიკანტებისთვის, იქვე მონიშნავენ ეკრანზე სწორ პასუხს და მხოლოდ ღია დავალებების შევსება მოუწევთ პასუხების ფურცელზე. თუ 2017 წელს ამას გავაკეთებთ, ბევრად შემცირდება გასწორების დრო და აბიტურიენტები, მაგალითად, ზოგადი უნარების გამოცდის შედეგებს გამოცდის დასრულებისთანავე გაიგებენ. არჩევითბოლოიანი დავალებების ბლოკი, სხვა საგნებშიც, ავტომატურად გასწორდება და აღარ დასჭირდება ის პროცედურები, რასაც ვაკეთებდით. მაგალითად, მათემატიკაში 30 დავალება აქეთ დახურულბოლოიანი და 10 – ღიაბოლოიანი. მხოლოდ ამ 10 დავალებას შეავსებენ პასუხების ფურცელზე და მხოლოდ ამ 10 დავალებას გაასწორებენ გამსწორებლები, დანარჩენის შედეგი უკვე იქვე გვეცოდინება და, ბუნებრივია, სხვა საგამოცდო საგნების შედეგებსაც გაცილებით მოკლე დროში ვაცნობებთ, ვიდრე ეს წინა წლებში იყო და იქნება წელს.

სამომავლოდ, ორიენტაცია უნდა ავიღოთ იმაზე, რომ სრულად ელექტრონულ ფორმატზე გადავიდეთ. ჩვენთვის ძალიან სერიოზული გამოწვევაა, რადგან ელექტრონული ბუკლეტები ბევრ შესაძლებლობას გვაძლევს, რომ თვითონ ტესტირები დავალებები იყოს ძალიან მრავალფეროვანი. ბევრი რამ შეგვიძლია გამოვიყენოთ, ანიმაციებიდან დაწყებული ვირტუალური ექსპერიმენტებით დამთავრებული, თუნდაც საბუნებისმეტყველო საგნებში. ამ მიმართულებით დავინყებთ მუშაობა და ვაგრძელებთ. სრულად ელექტრონული ფორმატი გულისხმობს, რომ ღია დავალებებიც ელექტრონულად შეავსონ. თუმცა, აქ ნამდვილად არსებობს პრობლემა, რადგან არა ვართ დარწმუნებული, რომ ელექტრონული ტექნოლოგიები სრულად ინტეგრირებულია სასწავლო პროცესში. სანამ არ გვეცოდინება, რომ არა მარტო ბეჭდვა, არამედ, მაგალითად, ნახაზების გაკეთება ელექტრონულად, ფორმულის დანერა, მათემატიკაში იქნება, ფიზიკაში თუ ქიმიამ, პრობლემას არ წარმოადგენს მოსწავლისთვის, მაშინ, რა თქმა უნდა, არანაირი უფლება არ გვაქვს, მოვთხოვოთ აბიტურიენტებს გამოცდების ასეთი ფორმატით ჩაბარება, მაგრამ აქეთკენ მივიღივართ. თუ სკოლებში ეს ყველაფერი გაკეთდება, მერე უკვე სრულად ელექტრონულ ფორმატზე გადავალთ.

– ეროვნული გამოცდები პირველ ივლისს დაიწყება?

– დიახ, პირველ ივლისს დაიწყება ქართული ენისა და ლიტერატურის გამოცდით და, სავარაუდოდ, 21 ივლისს დავასრულებთ.

ახალი თაობის ეროვნული სასწავლო გეგმა

პირველი გვერდიდან

განათლებისა და მეცნიერების მინისტრმა, **ალექსანდრე ჯეჯელავამ** ეროვნული სასწავლო გეგმის ახალი ვერსია შეაფასა, როგორც კარგი ნამუშევარი და ხაზი გაუსვა, თუ რამდენად მნიშვნელოვანია, რომ განათლების სისტემა დროის მოთხოვნებს პასუხობდეს: „*ძალიან მნიშვნელოვანია, რომ ჩვენი განათლების სისტემა მიჰყვებოდეს დროის მოთხოვნებს. სერიოზული საფრთხეა ის, რომ დრო აჩქარდა, ყველაფერი ძალიან სწრაფად იცვლება – ჩვენი ბავშვების სურვილები, ინტერესები, ტექნოლოგიური შესაძლებლობები, გონება და აუცილებელია, რომ სკოლა მიჰყვეს მისთვის ყველაზე მთავარ ადამიანებს განვითარებაში. ეროვნული სასწავლო გეგმის ახალი ვერსია ძალიან მნიშვნელოვანია ამ განვითარების პროცესში. ჩვენ უნდა მოვახერხოთ, სისტემა მუდმივად დინამიური იყოს და მიჰყვეს დროის მოთხოვნებს, რადგან, ხანდახან, ზოგიერთი საგნის პროგრამა ჩამორჩება ხოლმე სოციალურ-პოლიტიკურ თუ ტექნოლოგიურ გარემოს. ძალიან კარგი ნამუშევარია და უნდა შევეცადოთ, ასე გავაგრძელოთ.*“

ეროვნული სასწავლო გეგმა პერიოდულ განახლებას მოითხოვს, მასში უნდა აისახოს როგორც მოსწავლეებისა და პედაგოგების საჭიროებები, ისე საერთაშორისო პრაქტიკა, განათლების სფეროში მიმდინარე თანამედროვე ტენდენციები. განათლების რეფორმების დაწყებიდან დღემდე, უკვე მესამე თაობის ეროვნული სასწავლო გეგმა შემუშავდა და მისი მოქმედების ვადა 2017-2023 წლებით განისაზღვრა.

ეროვნული სასწავლო გეგმის რევიზიას წინ უძღოდა მრავალმხრივი მოსამზადებელი სამუშაოები სხვადასხვა მიმართულებით: ეროვნული სასწავლო გეგმის დანერგვის მონიტორინგი დაწყებით საფეხურზე; სახელმძღვანელოების ხარვეზების შესწავლა; სკოლებიდან, სხვადასხვა ორგანიზაციიდან შემოსული მოსაზრებებისა და რეკომენდაციების ანალიზი; სკოლების საგნობრივ კათედრებთან შეხვედრების ანალიზი; საერთაშორისო გამოცდილების შესწავლა (7 განვითარებული ქვეყნის სასწავლო გეგმების შესწავლა და შედარება საქართველოს ეროვნულ სასწავლო გეგმასთან); დეპარტამენტის ექსპერტებისა და პროცესში ჩართული მოქმედი პედაგოგების პედაგოგიური გამოცდილების გათვალისწინება; სახელმწიფოს მიერ აღებული საერთაშორისო ვალდებულებების ანალიზი.

თუმცა, ახალი ეროვნული სასწავლო გეგმა ერთგული დარჩა ძირითადი პრინციპის, რაც მოსწავლეზე და სასწავლო შედეგზე ორიენტირებულობას გულისხმობს. „სწავლა-სწავლების პროცესის ცენტრში დგას კონკრეტული მოსწავლე თავისი ინდივიდუალური საჭიროებებით და მთელი სასწავლო სისტემა მასზე ორიენტირებული – აცხადებს ეროვნული სასწავლო გეგმების დეპარტამენტის უფროსი **ნათია ჯოხაძე – 2017-18 სასწავლო წლიდან ჩვენს საგანმანათლებლო სფეროში სკოლებში შუვა უკვე მესამე თაობის ეროვნული სასწავლო გეგმა. მინისტრის ბრძანებით, დამტკიცდა ეროვნული სასწავლო გეგმის დაწყებითი საფეხური – I-VI კლასები და ძალიან მალე ამუშავდება სკოლებში. ჩვენთვის მნიშვნელოვანი იყო მუშაობის პროცესი, ადგილობრივი თუ საერთაშორისო პარტნიორების, უნივერსიტეტების, სკოლის ხელმძღვანელებისა და მოსწავლეების კორპუსის ძალიან აქტიური ჩართულობა, ასევე, სხვადასხვა ჯგუფების, მათ შორის, სახელმწიფო ინსტიტუტების, რომლებიც გვანდვინდნენ ხოლმე ეროვნულ სასწავლო გეგმასთან დაკავშირებულ თემაზე მოსაზრებებსა და რეკომენდაციებს. შემოიღო ვითარება, რომ ეს დოკუმენტი ნამდვილად არის შეთანხმებული ვერსია იმისა, თუ როგორ გვინდა იყოს საგანმანათლებლო პარადიგმა და პროცესი სკოლებში და რა უნარები, ცოდნა და ღირებულებები გვინდა, რომ ჰქონდეს ჩვენს მომავალ თაობას.**

ცხადია, ეროვნული სასწავლო გეგმის ფუნდამენტი, ფილოსოფია შეცვლილი არ არის და ეს ფილოსოფია მოსწავლეზე ორიენტირებული სისტემა. თუმცა, მთელი რიგი ცვლილებებია, რომელიც შეეხება სწავლა-სწავლების ორგანიზებას, ახალი საგნის შემოქმედებას საზოგადოებრივი მეცნიერებების მიმართულებით, საკლასო შეფასებასთან დაკავშირებული ცვლილებები, რაც განსაკუთრებით დაწყებით საფეხურზეა კრიტიკულად მნიშვნელოვანი. ძალიან დიდი სურვილი გვაქვს, რომ ის საუკეთესო და მომავალზე ორიენტირებული სურვილები, რაც ეროვნულ სასწავლო გეგმაშია, რეალურ ცხოვრებაში ამოქმედდეს. ამისთვის უნდა იმუშაოს როგორც დეპარტამენტმა, ისე სასკოლო სფეროში მოღვაწე ყველა ადამიანმა – მხედველობაში მაქვს მასწავლებელთა გადამზადების, გამოცდების თუ ხარისხის ცენტრები, სკოლების ადმინისტრაციები და პედაგოგები. ყველამ ერთად უნდა ვიშროოთ იმისთვის, რომ თითოეულ ბავშვთან დაინერგოს ეროვნული სასწავლო გეგმა, რომელიც განვითარებაზეა ორიენტირებული და ეხმარება მოსწავლეს ფუნდამენტური, მყარი, დინამიური ცოდნის კონსტრუირებაში.“

გატარებული ცვლილებების მთავარი მიზანია იმგვარი სასწავლო გარემოს შექმნა, რომელიც მაქსიმალურად შეწყობს ხელს თითოეული მოსწავლის შესაძლებლობების განვითარებას. ამ მიზნის განხორციელების ხელშეწყობად შეიმდგა არსებითი ცვლილებები განხორციელდა:

განათლების მეცნიერებაში დაგროვილი ცოდნის გათვალისწინებით განისაზღვრა ის ძირეული პრინციპები, რომლებიც უკეთესად სწავლისა და სწავლების საშუალებას იძლევა. ამ პრინციპების ირგვლივ უნდა გაერთიანდეს და გამოიყენდეს ზოგადი განათლების სისტემა, ამ პრინციპების განხორციელებისაკენ უნდა წარიმართოს სისტემის თითოეული რგოლი, რათა რეალურად შესაძლებელი გახდეს საკლასო ოთახებში მოსწავლის განვითარებაზე ორიენტირებული სასწავლო პროცესის უზრუნველყოფა;

ყოველწლიური სტანდარტების ნაცვლად, შემუშავდა საფეხურბრივი სტანდარტები, რაც მასწავლებლებს მეტ საშუალებას მისცემს, ცალკეული მოსწავლის განვითარების ტემპს მოარგოს საგანმანათლებლო პროცესი, გაითვალისწინოს ცალკეული მათგანის ფიზიკური და ფსიქიკური მახასიათებლები, სწავლის სტილი, პირადი გამოცდილება და აკადემიური საჭიროებები;

ახალი თაობის ეროვნულ სასწავლო გეგმაში განისაზღვრა ზოგადი განათლების დანყებითი, საბაზო და საშუალო საფეხურების მისია და მიზნები, რომლებშიც დაწყებით საფეხურზე, სხვა უნარებთან ერთად, ხაზგასმულია საბაზისო უნარების – ნიგნიერებისა და რაოდენობრივი ნიგნიერების – განვითარებაზე მუშაობა. საბაზო საფეხურზე ხაზგასმულია, საგანთა სწავლა-სწავლების საფუძველზე, მყარი, დინამიური და ფუნქციური ცოდნის კონსტრუირება, ხოლო საშუალო საფეხურზე – საგანთა გაღრმავებული სწავლების გზით, სისტემური ცოდნის კონსტრუირება; მოაზროვნე, მაძიებელი, ახლის შემოქმედი, ნიგნიერი, ინფორმირებული და პასუხისმგებლობის გრძნობის მქონე მოქალაქის ჩამოყალიბება;

ცვლილება შევიდა ეს-ს მინარსის სტრუქტურირებასა და ორგანიზებაში, კერძოდ: გამოიკვეთა გრძელვადიანი მიზნები (რაც ძალიან მნიშვნელოვანია) და მათი მიღწევის გზები და საშუალებები;

მნიშვნელოვანი ცვლილება განხორციელდა საფეხურბრივი სტანდარტების დანერგვით, ყოველწლიური სტანდარტის ნაცვლად, გაჩნდა საფეხურბრივი სტანდარტები სწავლა-სწავლების შემდეგ საკვანძო ეტაპებზე: I-IV – ოთხწლიანი ქვესაფეხურის; V-VI – დაწყებითი; VII-IX – საბაზო და X-XII – საშუალო საფეხურების ბოლოს. მასწავლებელს ორიენტირი სწორედ საფეხურების ბოლოს აქვს გადატანა. „ერთი მხრივ, ეს მნიშვნელოვანია იმ თვალსაზრისით, რომ მასწავლებელმა დიდი მიზნებისთვის იმუშაოს და ინდივიდუალურ საჭიროებებზე, ბავშვზე მორგებული სისტემის ამოქმედებას სწორად შეუნყოს ხელი.“

სტანდარტის საფეხურბრივი შედეგების შემოტანით, ყოველ კონკრეტულ სკოლას ეძლევა საშუალება, საგაკვეთილო პროცესი მოსწავლეების შესაძლებლობებისა და საჭიროებების გათვალისწინებით დაგეგმოს. ამავე დროს, შენარჩუნდა ნლიური პროგრამებიც, სკოლას ეძლევა საშუალება, სტანდარტის შედეგების მისაღწევად, სურვილის შემთხვევაში, გაჰყვეს მომზადებულ ნლიურ პროგრამებს;

სიახლეა სახელმწიფო ენის სწავლებაში – ქართული ენისა და ლიტერატურის საგნის სტანდარტი და ყველა კლასის პროგრამაში თავიჯნულია ენის გრამატიკული ასპექტები; მასწავლებელი თავისუფალია და შეუძლია თავად დაგეგმოს ქართული ენისა და ლიტერატურის სწავლა-სწავლების პროცესი. მართალია, ეს თავისუფლება მანამდეც ჰქონდა, თუმცა ამის ოფიციალური ჩანაწერი კანონში არ არსებობდა და, ხშირ შემთხვევაში, მასწავლებელი ფიქრობდა, რომ გრამატიკის სწავლებაში შეზღუდული იყო. კანონში ამ ჩანაწერმა კი ოფიციალურად მიანიჭა უფლება, ასწავლოს გრამატიკა იმ დონით, როგორც თავად დაგეგმავს;

და სიახლე, რომელმაც საზოგადოებაში არაერთგვარი რეაქცია გამოიწვია, საზოგადოებრივი მეცნიერებების გაძლიერებული სწავლება – III-IX კლასებში შევიდა ინტეგრირებული საგანი „მე და საზოგადოება“. ამ საგნის სწავლების საკითხთან დაკავშირებით საზოგადოება ორ ნაწილად გაიყო და დაიწყო სერიოზული დაპირისპირება – უნდა ესწავლათ თუ არა ბავშვებს საგანი, რომელიც მიზნად ისახავს მოსწავლეს ჩამოუყალიბოს პასუხისმგებლობა და მზრუნველი დამოკიდებულება საკუთარი თავის, ოჯახის, თემის, ბუნებრივი გარემოსა და კულტურული მემკვიდრეობის მიმართ. სინამდვილეში, რა იყო „ხმაურიანი საგნის“ დამკვიდრების მიზანი, ამის შესახებ ქალბატონი ნათია ამბობს, რომ: „დაწყებით კლასებში მოსწავლესთან ვმუშაობთ ტექნიკური, საბუნებისმეტყველო, ესთეტიკური მიმართულებებით. გვინდოდა, მათთან სოციალური მეცნიერებების მიმართულებითაც გვემუშავა. სწორედ ეს სურვილი ჩაიძლიერდა, როცა გადაწყვიტეთ, III-IV კლასებში ინტეგრირებული საგანი – ისტორია-გეოგრაფია-სამოქალაქო განათლება – შეგვეცვალა საგნით „მე და საზოგადოება“. ამდენად, 2017 წლიდან, მესამეკლასელები დაიწყებენ ამ საგნის შესწავლას. საგნის სწავლების არსია, მოაზრდოს ბავშვები საზოგადოებრივ- სოციალური მეცნიერებების სწავლებისთვის ზედა საფეხურზე და შექმნას ამისთვის მყარი საფუძველი. ასევე, არის რიგი საკითხები, რომელთა სწავლება IX და X კლასებში დაგეგმილია. დამერწმუნებთან სპეციალისტები, სამოქალაქო განათლება მანამდე მხოლოდ IX- X კლასებში ისწავლებოდა და ვამბობდი, რომ ინტეგრირებულია სხვა საგნებში, მაგრამ სიმართლეს თვალს უნდა გავუსწოროთ და ვთქვათ, რომ, ხშირ შემთხვევაში, ინტეგრირებული იყო ისტორიის საგანში. ამდენად, ისტორიის მასწავლებელი, თავისთავად, ყურადღებას ნაკლებად ამახვილებდა სამოქალაქო განათლებაზე. მთელი რიგი საკითხები, რომლებიც პროორიტეტულია ზოგადი განათლების ეროვნული მიზნებით, თვითონ ეროვნული სასწავლო გეგმით, იკარგებოდა. ესეც გახდა ერთ-ერთი მიზეზი, რის გამოც ცალკე გამოყვავით საგანი „მე და საზოგადოება“.

რეალურად რა სასიცოცხლოდ მნიშვნელოვან უნარებსა და საკითხებზეა საუბარი საგანში „მე და საზოგადოება“, ქალბატონი ნათია პასუხობს, რომ გარდა თემბატური საკითხებისა, ეს საგანი აერთიანებს: კონფლიქტების მართვას, გარემოს დაცვას, ჯანსაღი ცხოვრების წესს, სამოქალაქო უსაფრთხოებას, შემწყნარებლობას, ბავშვის უფლებებსა და მოვალეობებს, ისტორიულ-გეოგრაფიულ და ეკონომიკურ უნარებს. „ძალიან მიხარია, რომ ჩვენ ეს საგანი გვექნება, ცხადია, იმის გათვალისწინებით, რომ მისი სწავლება კარგად განხორციელდება. კიდევ ერთხელ შეგახსენებთ, ჩემი ოჯახი, სკოლა, მეგობრები, თანატოლები, ჩემი გარემო, მედია და ინფორმაცია, ჩემი ქვეყანა –

ეს მართლაც სასიცოცხლოდ მნიშვნელოვანი თემებია, რომელსაც ბავშვი უნდა იცნობდეს, რომ უკეთ შეძლოს საზოგადოებაში თანაცხოვრება და ორიენტაცია.“

ეროვნულ სასწავლო გეგმაში გამოყოფილია პროორიტეტული მიმართულებები, რომელზეც უნდა გაკეთდეს აქცენტი. ეროვნული სასწავლო გეგმა ორი მიმართულებით ხორციელდება – საკლასო და კლასგარეშე აქტივობები. ეს მიმართულება ადრეც იყო, მაგრამ ახლა უფრო გაძლიერდა და სულ უფრო მეტად ფიქრობენ იმაზე, თუ როგორ გადაიტანონ სამოქალაქო განათლების კომპონენტი არა მხოლოდ საკლასო აქტივობად, არამედ კლასგარეშე აქტივობებად და პროექტებად ისე, რომ კონტროლის მექანიზმიც შეინარჩუნონ და შედეგებზეც იყვნენ ორიენტირებული, რადგან მთავარია შედეგი და არა პროცესი. ამიტომ აქაც გამოიყო პროორიტეტული მიმართულებები: ნიგნიერებისა და რაოდენობრივი ნიგნიერების უნარების განვითარება; ისტორიული და კულტურული მემკვიდრეობის დაცვა; კულტურული მრავალეროვნების მიმართ პოზიტიური დამოკიდებულებისა და ტოლერანტობის დამკვიდრება; სამეწარმეო უნარების განვითარება და ინიციატივების წახალისება; ჯანსაღი ცხოვრების წესის დამკვიდრება და უსაფრთხოების დაცვა; გარემოსდაცვითი განათლება მდგრადი განვითარებისთვის; კონფლიქტების მშვიდობიანად მოგვარების გზების სწავლება და სხვ.

გარკვეული ცვლილებები განხორციელდა საათობრივ ბადეში. დაზუსტდა შინ სწავლებასთან დაკავშირებული რეგულაციები, მანამდე მხოლოდ სსსმ მოსწავლეებისთვის არსებობდა.

„ჩვენ არ გვინდა ისეთი ეროვნული სასწავლო გეგმა, რომელიც ვერავის აცნობიერებინებს რა, როგორ და რატომ გვინდა. დამერწმუნეთ, ექსპერტებთან დისკუსია ასეთ საკითხებზეც კი ხშირად გვექნება – როგორი უნდა იყოს დოკუმენტის ენა, მისი ნაკითხვა არა მხოლოდ მასწავლებელმა, არამედ იმ ადამიანმა, ვინც შეძლოს, ვინც ჩართული არ არის სასწავლო პროცესში. მაგალითად, მომბეღმა, რომელიც დაავადების მომზადებაში ეხმარება შეიღს, მაგრამ საგანმანათლებლო ტერმინოლოგია მისთვის არ არის ნაცნობი.“

ნებისმიერი სიახლის დანერგვა, საგანმანათლებლო სისტემაში, სამ დონეზე – სისტემის, ორგანიზაციის და ინდივიდის – მიმდინარეობს. ეროვნული სასწავლო გეგმა ის დოკუმენტია, რომელიც საავალდებულოა ყველა საჯარო და კერძო სკოლისთვის (თუმცა, როგორც პრეზენტაციაზე განმარტეს, კერძო სკოლები კიდევ მეტად განათავისუფლდნენ ზედმეტი ჩარევებისგან, მაგრამ ერთიან საგანმანათლებლო სივრცეში გარკვეული კონტროლის მექანიზმები მაინც შენარჩუნდა). ერთია, როგორია ეროვნული სასწავლო გეგმა, მაგრამ არანაკლებ მნიშვნელოვანია მისი დანერგვა სისტემის, ორგანიზაციებისა და ინდივიდების დონეზე. ნათია ჯოხაძემ ხაზგასმით აღნიშნა, რომ პროცედურები, რომლებიც პედაგოგებისა და დირექტორებისთვის დამატებით, არასასურველი და გამაღიზიანებელი იქნება, უკვე არაეფექტურია. ამიტომაც, რაც შეიძლება მეტს ეფიქრობენ, მარტივი პროცედურებით როგორ გახადონ სისტემა შედეგზე ორიენტირებული ისე, რომ პროცესებში არ დაიკარგონ. სწორედ ამიტომაც ძალიან მნიშვნელოვანი, საკანონმდებლო დონეზე და ინსტრუქციებში, მსგავსი საკითხების განხორ.

არანაკლებ მნიშვნელოვანია სწორი ადმინისტრაციული და ორგანიზაციული მონაცხობა, სწორად ჩამოყალიბებული ვალდებულებები, კომპეტენციები და კოორდინაციის სისტემები. ამ მიმართულებით კი, როგორც მონიტორინგის კვლევაში გამოავლინა, სერიოზული ხარვეზებია. „ცხადია, მომზადებული ადამიანური რესურსის – მასწავლებლების – გარეშე ეს ვერ მოხდება, მაგრამ დიდი ყურადღება უნდა მივაქციოთ სკოლის მენეჯმენტს – ადმინისტრატორებს“ – განაცხადა ნათია ჯოხაძემ. დირექტორებზე აქცენტის გაკეთება მთელი რიგი კვლევების შედეგია, რადგანაც სწორედ კვლევები აჩვენებს, რომ ორგანიზაცია, სადაც კარგი მენეჯერია, წარმატებულია. აქედან გამომდინარე, მასწავლებლის კვალიფიკაციასთან ერთად, უმნიშვნელოვანესია იმ დირექტორის როლი, რომელიც კარგი კვალიფიკაციის მასწავლებელს არჩევს, ხელს უწყობს, ორგანიზებას უკეთებს მთელ რიგ პროცესებს და ორიენტირებულია განვითარებაზე.

თანამედროვე საგანმანათლებლო რესურსები, ფიზიკური და ტექნიკური ინფრასტრუქტურა, ელექტრონული მართვის სისტემები და სკოლების დეცენტრალიზაცია – დღევანდების ეს რეალისტური მექანიზმები ეროვნული სასწავლო გეგმების განხორციელების დამატებით ხელშეწყობს ფაქტორებად დასახეულა. „რეალურად, ხშირ შემთხვევაში, სკოლა რაიმე გადაწყვეტილების მისაღებად სამინისტროში რეკავს და ამაზე მთელი დეპარტამენტი მუშაობს. არადა, ეს გადაწყვეტილება ლოკალურადაა მისაღები. მაგალითად, სკოლამ ბავშვს, წლიდან წლამდე, უნდა დაუნიშოს გამოცდა ან შემაჯამებელი დავალება. ვფიქრობთ, ასეთი საკითხების დღევანდური ადგილებზე, სკოლებში უნდა მოხდეს. მათ უნდა მიეცეთ უფლებები და აუცილებლად მივაყოლოთ პასუხისმგებლობა, რადგან პასუხისმგებლობა ყოველთვის უფლების თანამდევია.“

ეროვნული სასწავლო გეგმის კარგად დანერგვას და განვითარებას ხელს შეუწყობს ორიენტირებული მონიტორინგისა და შეფასების სისტემების დანერგვა. თუ სისტემის ყველა კომპონენტი კოორდინირებულად იმუშავებს, ყველას სწორად ექნება განსაზღვრული ფუნქცია და ვალდებულება, აუცილებლად შევძლებთ, რომ სისტემა უკეთესი გახდეს.“ – აცხადებს ნათია ჯოხაძე.

ახალი ეროვნული სასწავლო გეგმის პრეზენტაციას სამთავრობო უწყებების, საერთაშორისო და არასამთავრობო ორგანიზაციების წარმომადგენლები, საჯარო და კერძო სკოლების პედაგოგები და დირექტორები დაესწრნენ.

კონკურსი „გვითხულობთ რუსთაველს“ 15 წლისაა

მაკა ყიფიანი

30 მაისს, საქართველოს პარლამენტის ეროვნული ბიბლიოთეკის „აუდიტორიაში“, ჩატარდა ტრადიციული კონკურსის „გვითხულობთ რუსთაველს“ დასკვნითი ტური. 2002 წლიდან პროექტი ხორციელდება საქართველოს მასშტაბით და ბოლო სამი წელია, ქვეყნის ფარგლებს გარეთ საგანმანათლებლო სივრცეში, კერძოდ, სომხეთსა და იმერხეში. პროექტის დეზინსტრუქტორები, სომხეთისა და იმერხეში. პროექტის დეზინსტრუქტორები, სომხეთისა და იმერხეში. პროექტის დეზინსტრუქტორები, სომხეთისა და იმერხეში.

ლიტერატურულ კონკურსს ყოფილი აფასებდა. ყოფილი თავმჯდომარე იყო მირიან ხოსიტაშვილი, საქართველოს პარლამენტის ეროვნული ბიბლიოთეკის დირექტორის მოადგილე; ყოფილი წევრები იყვნენ: მაია კობახიძე, საქართველოს პედაგოგთა და მეცნიერთა თავისუფალი პროფკავშირის პრეზიდენტი; რუსუდან ჭუმბურიძე, განათლების სამინისტროს ქართული ენისა და ლიტერატურის ექსპერტი; ლალი დათაშვილი, ფილოლოგიის მეცნიერებათა დოქტორი; ლია კარიჭაშვილი, რუსთაველოლოგი, თსუ ასოცირებული პროფესორი; პარმენ მარგველაშვილი, მეცნიერებათა აკადემიის რუსთაველის კომიტეტის თავმჯდომარის მოადგილე; ქეთი სირაძე, ფილოლოგიის მეცნიერებათა დოქტორი; მარინა ტომასოვა, თბილისის 37-ე საჯარო სკოლის მასწავლებელი.

დასკვნით ტურში, ლიტერატურულ კონკურსში მონაწილეებზე წარმატებისთვის, ნომინანტები დაჯილდოვდნენ შემდეგ ნომინაციებში:

- „შემოქმედება“ – გიორგი ობოლაშვილი, – თბილისის 23-ე საჯარო სკოლა;
- „მხატვრული კითხვა“ – I ადგილი – ლიკა შაკიაშვილი, თბილისის 24-ე საჯარო სკოლა; II ადგილი – გიორგი ილარიონოვი, თბილისის კერძო სკოლა „ინტელექტი“; III ადგილი – გოგა სელიმანიძე, ბოლნისის რაიონის, დაბა კაზრეთის №1 საჯარო სკოლა;
- „კომპოზიცია“ – I ადგილი – ანა მაჭარაშვილი, ანი

მოდებაძე, ნიგარ მამედოვა, ბოლნისის №1 საჯარო სკოლა; II ადგილი – ვაჟა ლომაური, ნიკა გაგუა, გიორგი თავდგირიძე, თბილისის 24-ე საჯარო სკოლა; III ადგილი – ნანი ჩადუნელი, ნათია მაჭავარიანი, ახალციხის მე-5 საჯარო სკოლა;

- „გამორჩეული მკითხველი“ – ლუკა ანჯაფარიძე, თბილისის 140-ე საჯარო სკოლა; თამარ ჭიპაშვილი, ხარაგაულის მე-2 საჯარო სკოლა;
- „ორიგინალური შესრულება“ – გიორგი ბიბიაშვილი, თამაზ ბულაშვილი, მარიამ გვილია, მარიამ კაკაშვილი, დავით მელაშვილი, ნიკა პაპიაური, ლალი პეტრიაშვილი, გოგა ჩიჭოვანი, ივერ ჩხეტიანი, ნათია ჭეღია, თბილისის კერძო სკოლა „ფესვები“;
- „თავისუფალი თემა“ – I ადგილი – ანა პუგუნცი, თბილისის 37-ე საჯარო სკოლა; II ადგილი – თამარ მესხიშვილი და ნინო ვართაშვილი, თელავის მე-2 საჯარო სკოლა; III ადგილი – ანა სიჭინავა, თბილისის 29-ე საჯარო სკოლა;
- „ნახატები“ – I ადგილი – იამზე მჭედლოშვილი, ახალციხის მე-5 საჯარო სკოლა, III კლასი; II ადგილი – კოტე ლეკიშვილი, ქალაქ ახალციხის მე-5 საჯარო სკოლა, V კლასი; III ადგილი – ანა დობოჯგინიძე, ახალციხის მე-5 საჯარო სკოლა; რიფსიმე ვოსკანიანი, თბილისის 37-ე საჯარო სკოლა;
- „საუკეთესო ნამუშევარი“ – ნათია მაჭავარიანი, ახალციხის მე-5 საჯარო სკოლა;
- „ყოფილი სიმპათია“ დამსახურეს მესამე კლასის მოსწავლეებმა: შოთა ზვინაძემ, ხარაგაულის რაიონის, სოფელ კიციხის საჯარო სკოლა და ნიკა დარსალიამ, თბილისის 24-ე საჯარო სკოლა;
- „მეგობრობა გზად და ხიდად“ – გამარჯვებული გახდა ერევნის მხითარ სებასტაძაცის სახელობის სასწავლო კომპლექსი.

თამარ ბარისაშვილი, პროექტის „გვითხულობთ რუსთაველს“ ხელმძღვანელი: „მოგახსენებთ, იუნესკომ 2016 წელი შოთა რუსთაველის წლად გამოაცხადა. ვფიქრობ, ქართველებსთვის ყოველი წელი რუსთაველს უკავშირდება, რადგან მისეული სიბრძნე თანამდევია თითოეული დღისა თუ ხანისა. წელს, პროექტი „გვითხულობთ რუსთაველს“ 15-წლიან საქმიანობას აღჟამებს და ამავდროულად, ტრადიციულად, ახალ-ახალ „სარკმელს“ ხსნის გენიალური ქმნილების შესამეცნებლად. მისასალმებელია, რომ პროექტი ხორციელდება საქართველოს მასშტაბით და მის საზღვრებს მიღმა საგანმანათლებლო სივრცეში – სომხეთსა და იმერხეში“.

რუსუდან ჭუმბურიძე, ეროვნული სასწავლო გეგმების დეპარტამენტის წარმომადგენელი, ქართული ენის ექსპერტი: „მნიშვნელოვანია მსგავსი კონკურსების ჩატარება. მინდა მადლობა გადავუხადო კონკურსის ორგანიზატორებს, ეს ჩვენი მომავალი თაობისთვის ძალიან მნიშვნელოვანია. წელს შოთა რუსთაველის წელია და არ შეიძლება ყურადღების მიღმა დარჩეს, მაშინ, როდესაც მთელი მსოფლიო პოემას და მის ავტორს აღიარებს, როგორც კულტურული მემკვიდრეობის ერთ-ერთ ძეგლს. კონკურსის მიმდინარეობით კმაყოფილი ვარ, დიდი მადლობა მინდა გადავუხადო ღონისძიებაში მონაწილე ყველა მასწავლებელს და მოსწავლეს. ამ თაობას, რომელსაც დიდი სურვილი აქვს, გააცოცხლოს რუსთაველის შემოქმედება და რომელიც მას თავის თანამედროვედ მიიჩნევს. შემთხვევითი არ არის, როდესაც მოსწავლეები ასეთი სიყვარულითა და ინტერესით წარმოაჩენენ რუსთაველის გმირებს. მეც ვუერთდები მათ ემოციას და მომავალ წარმატებებს ვუსურვებ“.

ქეთი სირაძე, ფილოლოგიის მეცნიერებათა დოქტორი: „მნიშვნელოვანია ამ ღირებულებებზე მომავალი თაობის აღზრდა. კონკურსში ბევრი საინტერესო მონაწილე გამოიკვეთა, ორიგინალური შემოქმედებითი ნიჭით დაჯილდოებული, რამდენიმე მოსწავლეც ვიხილეთ, რაც მისასალმებელია. მრავალფეროვნება, რაც ამ კონკურსს ახლავს, მნიშვნელოვანია. მხატვრული კითხვა, გაფორმება, შემოქმედებითი კომპოზიციები, ფართო სპექტრში ხედავ კიდევ უფრო ამრავალფეროვნებს კონკურსის მონაწილეს და საინტერესოს ხდის. კონკურსი მართლაც ღირებულია და ვისურვებდი, მომავალ წელს, უფრო მეტმა მოსწავლემ მიიღოს მონაწილეობა“.

ლალი დათაშვილი, ფილოლოგიის მეცნიერებათა დოქტორი: „პირველ რიგში, მადლიერება მინდა გამოთქვა კონკურსის ორგანიზატორების მიმართ. როგორც მოქმედმა პედაგოგმა კარგად ვიცი, მოსწავლეებს როგორ უჭირთ და არ უყვართ „ვეფხისტყაოსნის“ სწავლა, მაგრამ, როცა ამ ტიპის საშუალო ვთავაზობთ, სხვა კუთხით ვესაუბრებით პოემაზე, მათთვის ცოცხალი და გასაგებები ხდება „ვეფხისტყაოსანი“. კონკურსი რუსთაველს „დაბრუნებს“ უწყობს ხელს. ქართველმა კაცმა მარტო სადღევრძელოში კი არ უნდა იცოდეს, რომ „ვეფხისტყაოსანი“ დიდი პოემა და რუსთაველი – გენიალური პოეტი, არამედ პოემა მისთვის ცხოვრების ნაწილი უნდა იყოს. სასიხარულოა, რომ კონკურსში სხვადასხვა ეროვნების მოსწავლეები მონაწილეობენ, ეს არის საუკეთესო საშუალება, რათა მათ შეიყვარონ საქართველო, გაიგონ ქართული ხასიათი და ისწავლონ ჩვენი პატივისცემა“.

პარმენ მარგველაშვილი, მეცნიერებათა აკადემიის რუსთაველის კომიტეტის თავმჯდომარის მოადგილე: „მსგავსი ღონისძიებების მოწყობა პატივით სჭირდება საქართველოს, რათა არ დაგვარგოთ არსებითი საყრდენი, რომელიც ერს აქვს. სამწუხაროდ, ჩვენ ვცხოვრობთ ღირებულებებითი სისტემის გარეშე. ასეთი კონკურსები ამკვიდრებენ იმ ღირებულებებს, რომელიც წარუვალა, რომლის გაფერმკრთალება, მიჩქალებაც კი ხდება, საოცარი დროის, ტემპის, გლობალიზაციის მიერ მოტანილი ვირტუალური სამყაროსა და ამ სამყაროში ადამიანის დაბნეულობის გამო. კონკურსში რამდენიმე ჯგუფმა გამოიყენა ვიზუალური მხარე, რაც მისასალმებელია. ჩვენ ძალიან დიდი ძალისხმევა გვჭირდება იმისთვის, რომ თანამედროვე ტექნოლოგიებით ახლოს მივიდეთ იმ წარუვალ ღირებულებებთან, რომელთაც არათუ არ უნდა შევხდეთ, არამედ ყოველმან ეპოქამ სათანადოდ უნდა მიიღოს, მორგოს და გაითავისოს“.



წყარო – „ვეფხისტყაოსანი“, რომელიც დაუშრეტელია. ჩვენ უფრო ახლოს უნდა მივიდეთ ტექსტთან, იმ კონცეპტუალურ სააზროვნო სისტემასთან, რომელიც გამოარჩევს, პირველყოფილისა, ადამიანს, რომელიც გვაახლოებს ღმერთთან, არ გვაკარგინებს კავშირს წარსულთან და საფუძვლად უქმნის მომავალს“.

მაია კობახიძე, საქართველოს პედაგოგთა და მეცნიერთა თავისუფალი პროფკავშირის პრეზიდენტი: „უკვე მეცხრე საუკუნეა, რაც შოთა რუსთაველის „ვეფხისტყაოსანი“ სულიერ საზრდოს აძლევს საქართველოს და ჩვენი ერის სულიერი საუნჯეა. რუსთაველის პოემის სიბრძნეზე საუკუნეებია იზრდებიან თაობები, კაცობრიობის არსებობიდან არავის ღმერთისადმი, ცისადმი, დედამიწისადმი, მზისადმი, ვაჟაკობისადმი, სიყვარულისა და მეგობრობისადმი ისე არ უმღერია, როგორც შოთა რუსთაველმა თავისი „ვეფხისტყაოსნით“. კონკურსში განსაკუთრებით მნიშვნელოვანია, რომ ბავშვები სწავლობენ პოემას, ისინი თავიანთ შეხედულებებს, პოემისადმი დამოკიდებულებას, სიყვარულს გამოხატავენ მხატვრულ კითხვაში, მათ მიერ შექმნილ ნამუშევრებში, კომპოზიციებსა და ნახატებში. ნათლად ჩანს, რომ მათ სულიერ აღზრდაში „ვეფხისტყაოსანი“ მნიშვნელოვან წვლილს შეიტანს“.

რანა შაგინიანი, ერევნის მხითარ სებასტაძაცის სახელობის სასწავლო კომპლექსის ქართული ენისა და ლიტერატურის მასწავლებელი: „კონკურსში „გვითხულობთ რუსთაველს“ მე-სამე წელია ვმონაწილეობთ. პოემის საშუალებით სომეხმა ბავშვებმა უკვე კარგად იციან საქართველოს კულტურა და ისტორია. მათ უყვართ „ვეფხისტყაოსნის“ გმირები. დიდი სიყვარულითა და ინტერესით კითხულობენ და სწავლობენ ფრაგმენტებს პოემიდან. ჩვენს სკოლაში ერთ-ერთ უცხო ენად, არჩევით სავანად, ქართული ენა ისწავლება. მინდა აღვნიშნო, რომ ფრანგულზე და ესპანურ ენებზე მეტად, ბავშვები ქართულ ენას ირჩევენ. ჩვენი სასწავლებლის დირექტორს, ამოტბლეიანს საქართველო ძალიან უყვარს, ის ყოველთვის შთააგონებს მოსწავლეებს, რომ, პირველ რიგში, მეზობელი ქვეყნის ენა ისწავლონ. სწორედ მისი დამსახურებაა, რომ ჩვენს სკოლაში ყველა ძალიან უყვარს საქართველო და ქართული ენა. 14 აპრილს, ქართული ენის დღეს, ყოველწლიურად, საზეიმოდ აღვნიშნავთ. დიდი მადლობა მინდა გადავუხადო პროექტის ორგანიზატორებს იმისთვის, რომ გვეძლევა საშუალება ჩავერთოთ პროექტში და ჩვენი მცირედი წვლილი შევიტანოთ. მე მიყვარს საქართველო და მიხარია, რომ მაქვს საშუალება, სომეხ მოსწავლეებს გაეაცნო ქვეყანა, სადაც დაიბადა, ალვიზარდ, საშუალო და უმაღლესი განათლება მივიღე“.



სიყვარულს უშენებია

30 მაისს, აფხაზეთის განათლებისა და კულტურის სამინისტროს საგანმანათლებლო შემოქმედებითი ინიციატივების ფარგლებში, აფხაზეთის განათლებისა და კულტურის სამინისტროს ხელოვნების განყოფილების, აფხაზეთის შემოქმედ ბავშვთა კავშირის „მომავლის ხმის“ და მოსწავლე ახალგაზრდობის ეროვნული სასახლის ლიტერატურის კაბინეტის ინიციატივით, სასახლის სარკეებიან დარბაზში, დიდი ქართველი პოეტის, შოთა რუსთაველის 850-ე წლისთავისადმი მიძღვნილი შემოქმედებითი საღამო – „სიყვარულს უშენებია“ გაიმართა.

პროექტში მონაწილეობდნენ: აფხაზეთის №2 და №3 საჯარო სკოლების მოსწავლეები, აფხაზეთის შემოქმედ ბავშვთა კავშირის წევრები: რეზი ჩაკვეტაძე, ანანო შელია, გიორგი შელია, საბა ანთია, ამირან მაისურაძე, ელენე კოპალიანი და სხვ. მათ წაიკითხეს ნაწყვეტები რუსთაველის უკვდავი პოემიდან ქართულ, აფხაზურ, რუსულ და ინგლისურ ენებზე.



წაიკითხეს აფორიზმები; ილიას, აკაკის, ვაჟას და სხვა ქართველი კორიფეების გამონათქვამები „ვეფხისტყაოსანზე“. საგამოფენო დარბაზში მოეწყო „ვეფხისტყაოსნის“ მოტივებზე შექმნილი ნახატების გამოფენა. ღონისძიების საპატიო სტუმრები იყვნენ: რეჟისორი ლანა

ლოლობერიძე, პოეტი ბალათერ არაბული, რუსთაველის საზოგადოების თავმჯდომარე დავით შემოქმედელი, ქალბატონი ლალი მიქაძე და სხვ. დასასრულს, ღონისძიების მონაწილე მოსწავლეებს რუსთაველის საზოგადოების სპეციალური დიპლომები გადაეცათ.

„საქართველოვ, გულო ჩემო“

26 მაისს, აფხაზეთის განათლებისა და კულტურის სამინისტროს ხელოვნების განყოფილების, აფხაზეთის შემოქმედ ბავშვთა კავშირის „მომავლის ხმა“ ინიციატივით, მერაბ კოსტავას სახლ-მუზეუმში ჩატარდა საქართველოს დამოუკიდებლობის 25-ე წლისთავისა და ეროვნული გმირის, მერაბ კოსტავას დაბადების 77-ე წლისთავისადმი მიძღვნილი შემოქმედებითი საღამო ეგიდით – „საქართველოვ, გულო ჩემო“.

ღონისძიებაში მონაწილეობდნენ: აფხაზეთიდან დევნილი მოსწავლე ახალგაზრდობა, პედაგოგები, სტუდენტები, აფხაზეთის ინტელექტუალი და მთავრობის წარმომადგენლები, დედაქალაქში მცხოვრები დევნილი მოსახლეობა, მეომართა კავშირისა და ქვეყნის ერთიანობისთვის დაღუპულ გმირთა ოჯახის წევრები.

მერაბ კოსტავას ეზოში მოეწყო აფხაზეთის მხატვრებისა და შემოქმედი მოზარდების მხატვრული ნამუშევრებისა და ფოტოების გამოფენა ღია ცის ქვეშ.

ღონისძიების მონაწილეებმა სოფელ ხურჩაში მომხდარი ტრაგედიის გამო წუთიერი დუმილით პატივი მიაგეს გიგა ოთხოზორიას ხსოვნას.

აფხაზეთის №2 და №3 საჯარო სკოლების აღსაზრდელებმა წარმოადგინეს ლიტერატურული კომპოზიცია „ვაჟაჟაცსა გული რკინისა“ და „საქართველოვ, გულო ჩემო“.

ნორჩმა დეკლამატორებმა: ანა კოპალიანმა, ელენე კოპალიანმა, საბა ანთიამ, სანდრო ბასარიამ, გიორგი შელიამ, ალექსი ბასარიამ, რეზი ჩაკვეტაძემ, ანა შელიამ, საბა ჩიყოშვილმა, გელა ფარულავამ და სხვებმა წაიკითხეს ცნობილი ქართველი პოეტების ლექსები აფხაზეთსა და სამშობლოზე.

ღონისძიება მიჰყავდათ შემოქმედ ბავშვთა კავშირის წევრებს, აფხაზეთის №3 საჯარო სკოლის მოსწავლეებს ანა შელიას და რეზი ჩაკვეტაძეს.

ღონისძიების საპატიო სტუმრები იყვნენ: თბილისის მერი დავით ნარმანია, კულტურის სამსახურის უფროსი ია მაქაცარია; პოეტები: თინათინ მღვდლიაშვილი, მანონი ბულისკერია, ჯულიეტა მილდიანი; აფხაზეთის უმაღლესი საბჭოს დეპუტატები: ნუგზარ მგალობლიშვილი და თემურ ბუაია; ეროვნული დამოუკიდებლობის აქტის ხელმძღვანელი პირები, საფრანგეთში ქართული სათვისტომოს ხელმძღვანელი ოთარ პატარიძე, ზვიად გამსახურდიასა და მერაბ კოსტავას მეგობრები და თანამებრძოლები.

პროექტის მხარდამჭერები იყვნენ: თბილისის მერია, აფხაზეთის ა/რ მთავრობა, მერაბ კოსტავას სახლ-მუზეუმი და თბილისის მთაწმინდის რაიონის გამგეობა.

ნონა ბერია



„მე ჩემი ქვეყნის მეგობარი ვარ“

აფხაზეთზე ამ კაცს თვალი უჭირავს, ეს კაცია ალბათ თურქის თემის, და მე ვყვირი: ჩემს სისხლს დაღვეს უწინამც, და მე ვყვირი: აფხაზეთი ჩემი.

როსმე „არგო“ (სხვა ხომალდი გუშინაც) მიაპობდა ზვირთებს ნიჩბის ცემით... და მე ვყვირი: მკვდარსა მნახვენ უწინამც. და მე ვყვირი: აფხაზეთი ჩემი.

ზღვაო პონტის! რიფებს მალავ უჩინარს! არაერთის ზედ მიემსხვრა გემი და მე ვყვირი: ოხ, უწინამც, უწინამც, და მე ვყვირი: აფხაზეთი ჩემი.

აფხაზეთი ოდითიდანვე იყო ერთ-ერთი კულტურული ცენტრი, სვიმონ კანანელმა აქედან დაიწყო ქრისტიანობის გავრცელება. ლიხნში, ბედიასა და ბიჭვინთის ტაძრებში ქართულად აღველინებოდა ნირვა-ლოცვა და სულიერად იმართებოდა საქართველო. – ამ სტრიქონებით დაიწყო, 5 მაისს, აფხაზეთის შემოქმედ ბავშვთა და ახალგაზრდობის კავშირის „მომავლის ხმა“ და მოსწავლე ახალგაზრდობის ეროვნული სასახლის საერთაშორისო ურთიერთობათა კაბინეტის ერთობლივი საგანმანათლებლო შემოქმედებითი პროექტი „მე ჩემი ქვეყნის მეგობარი ვარ“, რომელშიც მონაწილეობდნენ საქართველოს სხვადასხვა რეგიონებიდან (ქუთაისი, ბათუმი, სოხუმი, სიღნაღი, ლაგოდეხი, საგარეჯო, მარნეული, რუსთავი, წერეთელი, ბორჯომი, სენაკი, საჩხერე და სხვ.) ჩამოსული მოსწავლე ახალგაზრდები.

აფხაზეთის ბავშვთა და ახალგაზრდობის კავშირის ნორჩმა გიდებმა: ანა ყვავილაშვილმა, მარიამ გოგობიამ, ანა ქვარცხავამ, ანა შელიამ, ანანო კლანდიამ, ელენე შელიამ, რეზი და ანა ჩაკვეტაძეებმა, საბა მაისურაძემ და სხვებმა პროექტის მონაწილეებს გააცნეს აფხაზეთის ისტორიული წარსული და ფოლკლორული ელემენტები – ლექსები, სიმღერები, მითები და ლეგენდები ქართულ და აფხაზურ ენებზე; ქართული ხუროთმოძღვრების უბრწყინვალესი ნიმუშები.

X საუკუნის მინურულის ბედიის სამონასტრო კომპლექსი, გაერთიანებული საქართველოს პირველი მეფის, ბაგრატ მე-სამე ბაგრატიონის მიერ „საყრდრად საეპისკოპოსოდ“ აგებული, შუა საუკუნეების ერთ-ერთი უმნიშვნელოვანესი საეკლესიო და კულტურულ-საგანმანათლებლო ცენტრი იყო, სადაც მიმდინარებდა ძველ ხელნაწერთა განახლება-რესტავრაცია, საღვთისმეტყველო წიგნების თარგმნა და ახალი ხელნა-

წერების შექმნა. ნაჩვენები იქნა ვაშლიჯვრის №2 საჯარო სკოლის მოსწავლეების მიერ შესრულებული ვერცხლის ბარძიმი – ბედიის ეკლესიის სამკაულის, ქართული ოქრომჭედლობის შესანიშნავი ნიმუშის, ბედიის ოქროს ბარძიმის ასლი.

იონანე ოქროპირის სახელთან დაკავშირებულ კომანის ეკლესიაზე და 1998 წლის საომარი მოქმედებების დროს დაზარალებული, ტაძრის წინამძღვარ მამა ანდრია ყურაშვილსა და აფხაზი მამულიშვილის, იური ანუას სიცოცხლის ტრაგედიანზე ისაუბრეს მარი გოგობიამ და ანა ქვარცხავამ.

ღონისძიების მსვლელობისას ნაჩვენები იქნა აფხაზეთის ღირსშესანიშნავი ადგილებისა და ხუროთმოძღვრების ძეგლების (ილორის ეკლესია, ბესლეთის ხიდი, ლუშურიშის ეკლესია, ჭუბურხინჯის ეკლესია, ბიჭვინთის ტაძარი, სვიმონ კანანელის ტაძარი, ანაკოფიის ციხე, დრანდის ეკლესია, მოქვის ტაძარი, ლიხნის ტაძარი) ამსახველი ფერადი სლაიდები. დასასრულს გაიმართა კონცერტი, ადგილობრივი და ჩამოსული მოსწავლეების მონაწილეობით. პროექტის მონაწილე ბუნეფიციარები მოსწავლე ახალგაზრდობის ეროვნული სასახლისა და აფხაზეთის ახალგაზრდობის შემოქმედებითი კავშირის სპეციალური დიპლომებითა და სამახსოვრო საჩუქრებით დაჯილდოვდნენ.

ჩვენ, აფხაზეთიდან დევნილი მოსწავლე ახალგაზრდობა, მომავალშიც აქტიურად ვითანამშრომლებთ მოსწავლე ახალ-



გაზრდობის ეროვნული სასახლის რეზო თაბუკაშვილის სახელობის ბავშვთა საერთაშორისო ურთიერთობათა კაბინეტთან და ვიქნებით ჩვენი სამშობლოს ღირსეული მამულიშვილები.

ანა შელია

აფხაზეთის შემოქმედ ბავშვთა და ახალგაზრდობის კავშირის „მომავლის ხმა“ საკოორდინატო საბჭოს წევრი, აფხაზეთის №3 საჯარო სკოლის მე-8 კლასის მოსწავლე



თვალსაზრისი

როგორ გავხადოთ სწავლა-სწავლების პროცესი საინტერესო

თანამედროვე პედაგოგიური ტექნოლოგიები საშუალებას აძლევს მასწავლებელს სწავლება საინტერესო, ხოლო მოსწავლეს – სწავლა სასიამოვნო პროცესად აქციოს.


სწავლა, როგორც ასეთი, არ არის იოლი და შესაბამისად, სასიამოვნო პროცესი, ამიტომ მასწავლებელმა სწავლების ისეთი მეთოდები უნდა გამოიყენოს, ისე წარმართოს გაკვეთილი, ისეთი გარემო შექმნას, რომ მოსწავლემ კმაყოფილება თავისი შრომის შედეგით მიიღოს. ეს, რა თქმა უნდა, ხანგრძლივი პროცესია, მაგრამ შესაძლებელია, რომ თითოეულ გაკვეთილზე დასახული მიზნის მიღწევა ვაქციოთ მოსწავლისთვის თავისი შრომის შედეგად, თუ ის ამ მიზნის მიღწევას საკუთარი ძალებით მოახერხებს და თვითონ აღმოაჩენს ცოდნას. სხვაგვარად თუ ვიტყვით, სწავლება მაშინ იქნება ეფექტური, სწავლა კი წარმატებული, როცა მოსწავლე მასალის შესწავლის მიზნებსა და მიზანს გაიგებს. ასეთ შემთხვევაში მოსწავლეები მოტივირებული იქნებიან და ხალისითა და ინტერესითაც ჩაერთვებიან სასწავლო პროცესში.

მოსწავლემ უნდა იცოდეს, რომ სწავლას პრაქტიკული დაინტერესება აქვს, სარგებლობა და სიხარული მოაქვს, რაც სტიმულს მისცემს და შინაგან კმაყოფილებას გამოიწვევს. „მოსალოდნელი წარმატების აღბათობაც კი უფრო მეტ მოტივაციას აღძრავს, ვიდრე დამარცხების წინაშე შიში“. ხშირად მოსწავლეებმა არ იციან, როგორ მიაღწიონ მიზანს, ამიტომ უნდა დავეხმაროთ მათ მიზნის მისაღწევი საშუალებების შერჩევაში. დავალებები უნდა მოვარგოთ მათ შესაძლებლობებს და გავითვალისწინოთ მათი მოთხოვნილებები.

ინდივიდუალური მიზნების გარეშე არასოდეს იწყება, ის წინასწარაა განწყობილი მოქმედებისადმი, აქტივობის წყარო კი მოთხოვნილებაა. იქ, სადაც არავითარი მოთხოვნილება არ არსებობს, არც აქტივობაზე შეიძლება ლაპარაკი.

თუ „განწყობის თეორია“ სასწავლო პროცესში განვიხილავთ, მივხვდებით, რომ მოსწავლეს ყოველ ახალ აქტივობაში ჩართვისთვის სპეციალური განწყობა სჭირდება, რომელიც მის ძალებსა და უნარებს ამოქმედებს, ამიტომ, როგორც დიმიტრი უზნაძე ამბობს, სასწავლო პროცესი ისე უნდა ავაგოთ, რომ მოსწავლეს ადამიანისთვის დამახასიათებელი ერთ-ერთი მოთხოვნილება – ინტელექტუალური მოთხოვნილება (ცნობისმოყვარეობა) ცოდნის წყურვილში გადაეზარდოს, რის საფუძველზეც მოსწავლეს თვითონ გაუჩნდება სწავლის მოთხოვნილება და მისი შესაბამისი განწყობაც.

თუ ზემოთქმულს სქემის სახით წარმოვადგენთ, ასეთ სურათს მივიღებთ:



მოსწავლეებმა თვითონ უნდა ააგონ ცოდნა ამა თუ იმ საკითხის შესახებ, აღმოაჩინონ და გარდაქმნან ინფორმაცია იმისთვის, რომ ახალი ცოდნა გაითავისონ, ე.ი. ძველი და ახლად შეძენილი ინფორმაციის დამუშავების გზით ცოდნის „კარკასის“ კონსტრუირება დამოუკიდებლად განახორციელონ. ასეთ შემთხვევაში აღიქმება სწავლა სასიამოვნო პროცესად.

მოსწავლე აუცილებლად ფლობს სხვადასხვა სახის ინფორმაციას ჩვენთვის საინტერესო საკითხთან დაკავშირებით, ჩვენ კი მისი გამოყენების საშუალება უნდა მივცეთ, რაც მოტივაციასაც ამაღლებს და თვითდაჯერებულობასაც. ამ დროს კარგია სხვადასხვა კონკრეტული სქემების გამოყენება, ასოციაციური რუკის შედგენა, ციტატების, წესების გახსენება განვლილი მასალიდან და ახალ მასალასთან დაკავშირება. არ უნდა დავგვიწყდეს, რომ მოსწავლეს რეალური ცხოვრებისეული გამოცდილება აქვს, რაც საშუალებას მისცემს პარალელი გაავლოს თეორიულ ცოდნასა და მის პრაქტიკულ გამოყენებას შორის. მაგ.: თუ ბუნებაში ვსწავლობთ ჰაერის მოძრაობას, კარგი იქნება გაიხსენოთ ჩაიდანში წყლის ადუღების პროცესი – როგორ ადის ცხელი ჰაერი ზევით.

იმისთვის, რომ დავარწმუნოთ მოსწავლეები ცოდნის

პრაქტიკულად გამოყენების შესაძლებლობაში, შესასწავლი მასალა მაქსიმალურად უნდა მიფუხლოვით რეალობას. მაგ.: ბუნების, მათემატიკის გაკვეთილებზე სხვადასხვა ხელსაწყოს, ფიგურის დამზადება შემდგომში სასწავლო რესურსად გამოყენების მიზნით; ისეთი ამოცანების ამოხსნა, რომელიც ყოველდღიურობასთანაა დაკავშირებული. ინტერესის გამოწვევის მიზნით, კარგი იქნება დავავალოთ შესასწავლი საკითხის ირგვლივ საინტერესო ცნობების მოძიება. ისინი მიეჩვენებიან ინფორმაციის დამუშავებას, შეიძენენ კვლევის უნარ-ჩვევებს, თავს იგრძნობენ „დიდებად“. კარგი იქნება ყურადღების გამახვილება საგანთა შორის კავშირებზე, პროექტებზე მუშაობა, ექსკურსიები ბუნებაში, რაც საშუალებას მისცემს მათ, მიღებული ცოდნა რეალურად გამოიყენონ ცხოვრებაში, ეს კი მნიშვნელოვანი მოტივაციაა სწავლისადმი ინტერესის გაღვივების პროცესში.

ერთ-ერთი მნიშვნელოვანი სტრატეგიაა თამაშით სწავლება. დაწყებითი სკოლის მოსწავლეებისთვის თამაშით ურთიერთობის ყველაზე ნაცნობი და, მამასადაამე, ყველაზე მიმზიდველი ფორმაა, განსაკუთრებით I-II კლასებში, როგორცაა „ლოტო წინადადებებით“, „ვესროლოთ ერთმანეთს სიტყვები“, „დაკარგული ასოები“, „დაბნეული მარცვლები“, „ლოტო ზმნებით“, „მათემატიკური ფანტაზია“ და სხვ.

თამაშისთვის დამახასიათებელია შემოქმედებითი თავისუფლება, კმაყოფილება არა მხოლოდ შედეგით, არამედ პროცესით. თამაში არის კომუნიკაციისა და თვითრეალიზაციის საუკეთესო საშუალება, სტიმულიცაა და ჯილდოცაა შეგვიძლია გამოვიყენოთ.

მასწავლებლებმა კლასში უნდა შექმნათ სწავლა-სწავლებისთვის ხელსაყრელი გარემო და სათანადო განწყობა, სწავლების პროცესი ისე უნდა წარვმართოთ, რომ გავითვალისწინოთ მოსწავლის ინდივიდუალური და ასაკობრივი თავისებურებები, გავზარდოთ მშობელთა ჩართულობა, გავხადოთ ისინი პარტნიორებად ამ პროცესში, ვითანამშრომლოთ ჩვენს მოსწავლეებთან ისე, რომ ისინი სიხარულით მოდიოდნენ სკოლაში.

ნათია დარჩია
სსიპ ქალაქ თბილისის №128 საჯარო სკოლის
წამყვანი პედაგოგი

სასკოლო აქტივობა

„თავისუფლება ისე არ მოდის, თავისუფლება ლომთა ხვედრია...“

„აჰა მაისი ...ვარდების და სხივთა ლაშქარი! ირგვლივ უსაზღვრო სურვილების ლაღი დინება! ბნელეთში მძაფრი შეტაკება, ქარი აშარი და ოცდაექვსში საქართველოს აღორძინება.“

დარბაზი გაირინდა, უსმენდნენ ანანო დავლაძისა და გიორგი სხირტლაძის მიერ წაკითხულ ლექსს, მქუხარე ტაშმა შეაზანზარა იქაურობა – ასე დაიწყო 26 მაისს, ჭიათურის რაიონის სოფელ ზოდის საჯარო სკოლაში, საქართველოს დამოუკიდებლობის აღდგენის დღიდან 25 წლისთავისადმი მიძღვნილი ლიტერატურული საღამო, დევიზით: „თავისუფლება ისე არ მოდის, თავისუფლება ლომთა ხვედრია“.

მრავალი კარგი ღონისძიების ინიციატორია სკოლის ბიბლიოთეკა და ახლაც, ჩემი ორგანიზებით, გაიმართა ლიტერატურული საღამო, რომელიც მუსიკალურად გააფორმა მუსიკის მასწავლებელმა, ნინო ჭუმბურიძემ.

III-VII-კლასელებმა დამაჯერებლად მიიტანეს მსმენელამდე,

ვახტანგ გორგასლიდან დაწყებული დღემდე, საქართველოს ისტორია. მოსწავლეების მიერ წაკითხული ქართული პოეტების ლექსები სრულად იყო შერწყმული საქართველოს ისტორიის წარსულიდან მოხმობილ არგუმენტებთან. მათ კიდევ ერთხელ შეგვახსენეს ჩვენი ერის მრავალჭირნახული გზის სიმინდე და ის თავდადება, რაც საქართველოს გადასარჩენად გამოავლინეს ჩვენმა სახელოვანმა მამულიშვილებმა.

ლექსს სიმღერა სცვლიდა, სიმღერას – ცეკვა, არაჩვეულებრივმა სიმღერებმა დაიპყრო დარბაზი, მაყურებელი მონუსხული უსმენდა ელენე ჭილაძის, ნესტან სამხარაძის, საბა იობაშვილის მიერ შესრულებულ სიმღერებს. იმ დღეს სკოლაში ნამდვილი ქართული სული ტრიალებდა.

ღონისძიებაზე დამსწრე მშობლები, პედაგოგები და მოსწავლეები კმაყოფილი დარჩნენ: ანა და ვერიკო დავლაძეების, გიორგი სხირტლაძის, ოთარ და ნათია გამყრელიძეების, საბა და ნათია ყაველაშვილების, თეონა დემეტრაშვილის, მარიამ



და ელენე ჭილაძეების, ნესტან სამხარაძის, ხატია ნოზაძის, ბაქარ გიორგაძის, ნინო გაბრიჭიძის, ბუხუტი და საბა იობაშვილების გამოსვლებით.

მსგავს ღონისძიებებს უდიდესი აღმზრდელითი დატვირთვა აქვს – მოსწავლეებს უმაღლეს პატივოტულ სულს, ასწავლის ტრადიციებისადმი ერთგულებასა და წარსულისადმი პატივისცემას, სძენს ქართული ლექსით ტკბობის უნარს, უღვივებს ბედნიერი მომავლისათვის ბრძოლის ჟინს და უფაქიზებს გრძნობას.

სალამოს დასასრულ, სცენიდან კვლავ ანდერძად გაისმა: „დიად მეფეთა შთამომავლის მარადის გშეგნის, ერთ მუშტად შეკრულს ველარასდროს ვერავინ სძლევედეს, ერთიან, ძლიერ საქართველოს ეს ლოცვა ჩემი, დედაო ღვთისავ, სანთელივით გზას უწათებდეს“.

ზოდის საჯარო სკოლის დირექტორმა ნონა ყაველაშვილმა მადლობა გადაუხადა ღონისძიების ორგანიზატორებსა და მოსწავლეებს საინტერესო საღამოს ჩატარებისთვის და მამაგაღმამ წარმატებები უსურვა.

მადლობა ამ უნიჭიერეს გოგო-ბიჭებს, რომელთაც სხვადასხვა ღონისძიებებით არაერთხელ ასახელებს მშობლიური ზოდის საჯარო სკოლა.

თამარ ბაყმარიძე
სსიპ ჭიათურის მუნიციპალიტეტის
სოფელ ზოდის საჯარო სკოლის ბიბლიოთეკის გამგე



სასკოლო აქტივობა

სიტყვა საქმიანი და საქმე შედეგიანი

ზამთრის ძილისაგან გამოღვიძებულმა ბუნებამ, გაზაფხულის სითბომ და სილამაზემ ჩვენი სკოლის ცხოვრებაში ახალი მუხტი შემოიტანა. ყველას გაუჩნდა სურვილი ბუნების ამ დღესასწაულის აქტიური მონაწილე გამხდარიყო და თავისებურად გამოეხატა დამოკიდებულება საგაზაფხულო დღეების უკეთ წარმოჩენისათვის.

სსიპ ქალაქ თბილისის 219-ე საჯარო სკოლის პედაგოგებმა გადაწყვიტეს, საგნობრივი კვირეულების ჩატარებით წარმოეჩინათ მთელი წლის განმავლობაში განეული მუშაობის შედეგები. საგნობრივ კათედრებზე შემუშავდა კვირეულების პროგრამები და დროც ისე განაწილდა, რომ შესაძლებელი ყოფილიყო ღონისძიებთა სწორად ჩატარება. კვირეულების ციკლი, დილის საზე შრომითი, ფიზიკური და ესთეტიკური აღზრდის კათედრის ხელმძღვანელმა **ლამარა ჭინჭარაულმა** გახსნა. სკოლის ფოიეში გამოიფინა ხელოვნების მასწავლებლების – **ლამარა ჭინჭარაულისა** და **ნანა მარლიშვილის** მოსწავლეთა მიერ შესრულებული ხელნაკეთი ნამუშევრები და ნახატები.

მუსიკის მასწავლებელმა **ნატალია ნიკლაშვილი** VII კლასში, ღია გაკვეთილზე, განიხილა ზაქარია ფალიაშვილის ოპერა „აბესალომ და ეთერი“. მოსწავლეებმა წინასწარ მოამზადეს ზაქარია ფალიაშვილის ცხოვრებისა და შემოქმედების ამსახველი ბუკლეტი. ბავშვებმა მოისმინეს აბესალომის, ეთერისა და მურმანის არიები.

მე-3 კლასში ღია გაკვეთილი ჩაატარა მუსიკის მასწავლებელმა **ციური კუტიბაშვილი**. გაკვეთილის თემა იყო „ადვილია გახდეს შემსრულებელი“.

სპორტის მასწავლებელმა **ირაკლი არაბულმა** ჩაატარა ღია სამოდელო გაკვეთილი IV და V კლასებში, მოაწყო ამანათობენი 4x50 მეტრზე.

სკოლის გოგონათა და ვაჟთა ფრენბურთის გუნდებმა, მისი ხელმძღვანელობით, მონაწილეობა მიიღეს თბილისის სამგორის რაიონის მუნიციპალიტეტის მიერ ორგანიზებულ ფრენბურთის ტურნირში. ვაჟთა გუნდმა წარმატებას მიაღწია და ვერცხლის მედალი აიღო. ასევე წარმატებით დაგვირგვინდა VIII კლასის მოსწავლის, **პავლე კუდიანაშვილის** ასპარეზობა თბილისის კრივის ჩემპიონატში, სადაც მან ჩემპიონის ტიტული და ოქროს მედალი მოიპოვა.

საკმაოდ შთამბეჭდავი იყო ცეკვის მასწავლებელ **ნათუნა მძელურის** გაკვეთილი – ქართული ცეკვის ხელოვნება. საოცარია იმ ერთი საათის შედეგი, რომელიც ცეკვას ეთმობა, მოსწავლეთა უმრავლესობას ტანი სწორად უჭირავს, თითქმის ფლობენ ქართულის, დავლურისა და მთიულურის ილეთებს. სამწუხაროა, რომ არ არის საშუალება მათ მომდევნო წელსაც გააგრძელონ აღნიშნული საგნის შესწავლა.

საბუნებისმეტყველო მეცნიერებთა კათედრის კვირეულმა აიღო სტარტი – ფიზიკის მასწავლებელ **შორენა ლომიძის** ინიციატივით, მოეწყო სკოლის მიმდებარე ტერიტორიის დასუფთავება, გაიწმინდა საყოფაცხოვრებო და სამშენებლო ნაგვისგან დაბინძურებული არხის კალაპოტი, დაახლოებით, 150 მეტრის მანძილზე. ადგილობრივი მოსახლეობის გარემოს დაცვითი ცნობიერების ამაღლების



მიზნით, დაგეგმილი და მოსახლეობაში გავრცელდა საინფორმაციო ფურცლები გარემოს დაბინძურების საგანგებო შედეგების შესახებ. სკოლის მოსწავლეებისთვის და მასწავლებლებისთვის ფოიეში მოეწყო პრეზენტაციები თემაზე: „ფოტოსინთეზი მწვანე მცენარეებში“ და „ცხოვრება პოლიეთილენის გარეშე“. ბიოლოგიის მასწავლებელ **მარინა ასლანიშვილის** მიერ სკოლის ეზოში არსებული ბაღა შეივსო ახალი ყვავილებით.

ქიმიის მასწავლებელმა, **მედეა ტატიშვილი** ჩაატარა გასვლითი გაკვეთილი ტექნიკურ უნივერსიტეტში, სადაც XI კლასის მოსწავლეებმა ქიმიურ ლაბორატორიაში ჩაატარეს ცდები სპირტის ქიმიურ თვისებებზე.

საზოგადოებრივ მეცნიერებთა კათედრის კვირეული – ისტორიის მასწავლებლებმა, **ლია იობაშვილმა** და **მაია ავალიშვილმა** გამოუშვეს კედლის გაზეთი „9 აპრილი“, რომელიც მიეძღვნა საქართველოს დამოუკიდებლობისათვის თავდადებულ გმირებს; გეოგრაფიის მასწავლებელმა **ნანა გიგაურმა** VIII კლასში ჩაატარა ღია გაკვეთილი თემაზე „აფრიკა“; გეოგრაფიისა და ისტორიის მასწავლებლებმა X და XI კლასებში ჩაატარეს ვიქტორინა, რომელშიც გაიმარჯვა X კლასის გუნდმა „არგო“. მოეწყო ექსკურსია საქართველოს პარლამენტში, საქართველოს დამოუკიდებლობის 25-ე წლისთავთან დაკავშირებით; მაია ავალიშვილმა და ლია იობაშვილმა ჩაატარეს ღონისძიება „9 აპრილი“. VIII, IX, X და XI კლასების მოსწავლეებმა ქრონოლოგიურად წარმოადგინეს 1989 წლის ტრაგიკული მოვლენები. შავ სამოსში ჩაცმულმა მოსწავლეებმა სანთლებით ხელში ასახეს ჩვენი ქვეყნის უახლესი წარსული.

უცხო ენათა კათედრის კვირეული – ინგლისური ენის მასწავლებლებმა, **ნუნუ შინჯიკაშვილმა** და **ია ადიკაშვილმა** გამოუშვეს კედლის გაზეთები.

მეთერთმეტეკლასელებმა წარმოადგინეს შექსპირის „რომეო და ჯულიეტა“. **ნიკოლოზ ნამალაიძემ** და **ნინო გვაგაშვილიშვილმა** გაახმოვანეს ნაწარმოების ცნობილი ეკრანიზაციის მცირე მონაკვეთი.

რუსული ენის მასწავლებელმა **მაია კუდუხოვმა** მცირე პრეზენტაცია გამართა რუსული ენისა და ანბანის მნიშვნელობის შესახებ. პრეზენტაციას დაესწრნენ IV კლასის მოსწავლეები, ვინაიდან მომდევნო წლიდან იწყებენ ენის შესწავლას. მოსწავლეებმა წარმოთქვეს ლექსები რუსულ ენაზე.

ქართული ენისა და ლიტერატურის კვირეული მიეძღვნა კლასიკოსი პოეტის ვაჟა-ფშა-



ველას დაბადებიდან 155-ე წლისთავს. ქართული ენისა და ლიტერატურის მასწავლებლებმა: **მარინე პეტრიაშვილმა**, **ნანა ქაცანაშვილმა**, **შორენა ძიძიკაშვილმა** და **სალომე ნიკოლიშვილმა** დაგეგმეს და განახორციელეს ღონისძიებები – კედლის გაზეთი „მთის არწივი“; ვაჟა-ფშაველას ნაწარმოებების მიხედვით შექმნილი ილუსტრაციებისა და ნახატების გამოფენა; მინი-ექსკურსია ლოჭინის ხეობაში, მოსწავლეებმა ბუნების ნიაღში წარმოთქვეს ვაჟა-ფშაველას ლექსები. ამავე დღეს, დაწყებით საფეხურზე, ჩატარდა კალიგრაფიის კონკურსი. გამარჯვებული მოსწავლეები: **ეკსო ელისაბედაშვილი**, **ნია გოგოჭური**, **ნიკოლოზ რეხვიანიშვილი** (I კლასი), **დინა კუდიანაშვილი** (V კლასი), **ჯუნი გიორგაძე** (VI კლასი); ჩატარდა ინტელექტუალური თამაში „რა? სად? როდის?“. საბაზო-საშუალო საფეხურის მოსწავლეებისგან შეიქმნა ორი გუნდი. მათ უპასუხეს შეკითხვებს ვაჟა-ფშაველას ცხოვრებასა და შემოქმედებაზე; სკოლის სააქტო დარბაზში ჩატარდა ღონისძიება, სადაც მოსწავლეებმა წარმოადგინეს ვაჟას პოეზია, მოგონებები, სიმღერები, ინსცენირებები „სტუმარ-მასპინძლიდან“ და „კლდე მხოლოდ ერთხელ სთქვა“. დაიგეგმა გასვლითი ექსკურსია ჩარგალში, ვაჟას სახლ-მუზეუმში.

მათემატიკის კათედრის კვირეული გაიხსნა მათემატიკის მასწავლებელ **შალვა ხუციშვილის** მოსწავლეთა მიერ შექმნილი თვითნაკეთი გეომეტრიული ფიგურების გამოფენით; მასწავლებლების – **ვინელი მაისურაძის**, **ნა-**

ნული ბიჭაშვილის, **შალვა ხუციშვილისა** და **ციცინო ფიფიაშვილის** ორგანიზებით, ჩატარდა მათემატიკური ვიქტორინა „ნორჩი ინტელექტუალი“. გაიმარჯვა გუნდმა „პრა-მიდა“.

დაწყებითი საფეხურის მასწავლებელმა **ნა-ნული ბიჭაშვილმა** IV კლასში ჩაატარა ღია გაკვეთილი თემაზე „გეომეტრიული და სივრცითი ფიგურები“. გაკვეთილი დატვირთული იყო მრავალფეროვანი და სახალისო აქტივობებით.

VI, VII და XI კლასების მოსწავლეთა მონაწილეობით კონფერენცია ჩატარდა, რომელზეც წარმოდგენილი იქნა თემები: „ოქროს კვეთა“, „კარლ ფრიდრიხ გაუსი“.

კვირეულში აქტიურად ჩართული მოსწავლეები დაჯილდოვდნენ სიგელებით.

ასე თანამიმდევრულად დაგეგმილი და განხორციელებული კვირეულებით, მრავალფეროვანი აქტივობებით შევქელით მოსწავლეებში სწავლისადმი მოტივაციის ამაღლება, შემოქმედებითი უნარ-ჩვევების განვითარება და წარმოჩენა.

ელიზაბეტა გომიჩაშვილი
დირექტორის მოადგილე სასწავლო დარგში



საუბრაჲი ლიტერატურაჲა

ქალისა და მამაკაცის მებობრობა „ვეფხისტყაოსანში“

რუსთაველის პოემის უპირველესი ზნეობრივი ღირებულებები: მეგობრობა, მიჯნურობა, მოყვასისთვის თავდადება და ერთგულება დღესაც მეტად აქტუალურია. პოემაში გაიდეალებულია ორი თანაბრად მნიშვნელოვანი გრძნობა: მეგობრობა და მიჯნურობა, რომელთა ურთიერთმიმართება ქმნის პოემის მთავარ სიუჟეტურ ხაზს.

მთავარი მოქმედი გმირი „ვეფხისტყაოსანი“ ანუ ტარიელი კარგავს ვულის სწორს, ნესტან-დარეჯანს და მასთან ერთად სიცოცხლის სურვილს, სამაგიეროდ პოულობს მეგობრებს: ავთანდილსა და ფრიდონს, შემდეგ კი, მათი უდიდესი ძალისხმევითა და დახმარებით, იმერუნებს დაკარგულ სიყვარულს.

„სამთა გმირთა მნათობთა“ კავშირს რუსთაველი „მოყვრობას“, ანუ მეგობრობას უწოდებს. სანიშნუა მათი ურთიერთდამოკიდებულება, რომელიც ეფუძნება „ურთიერთშეცნობასა“ და „ურთიერთმონებას“, თუმცა, უნდა აღინიშნოს, რომ რუსთაველის „მოყვრობა-მეგობრობა“ არ შემოიფარგლება მხოლოდ მამაკაცთა შორის არსებული ურთიერთობით, პოემაში არანაკლებ მნიშვნელოვანია ქალისა და კაცის მეგობრობა, კერძოდ, ტარიელისა და ასმათის და-ძმობა.

რუსთაველმა, ჯერ კიდევ მე-12 საუკუნეში, ქალი და მამაკაცი უფლებრივად გაათანაბრა და თამამად განაცხადა – „ლევი ლომისა სწორია“. პოემის ქალებს შეუძლიათ ქვეყნის მართვა, ისინი ძლიერები, ერთგულები გამტანები და სამაგალითონი არიან. მათ გამო სისხლის ცრემლებს აფრქვევენ ისეთი ლომგული ვაჟკაცები, როგორებიც არიან ტარიელი და ავთანდილი. სწორედ ეს ქალები აღვივებენ მათ რაინდულ სულისკვეთებას. როგორ წარმართებოდა ტარიელის ცხოვრება, ასმათის დახმარების გარეშე, არავინ იცის. საინტერესოა ის ფაქტიც, რომ ავტორმა გამიჯნურებული ტარიელის გვერდით მაინცდამაინც ასმათს, ქალს მიუჩინა ადგილი. პოემიდან ცნობილია, რომ ტარიელს ინდოეთიდან, ნესტანის საძებნელად, თან მიჰყავს ას სამოცი კარგი მოყმე, საბოლოოდ კი ის და ასმათი გამოქვაბულში მარტოები, ერთმანეთის პირისპირ რჩებიან, საიდანაც იწყება მათი და-ძმური ცხოვრება.

ასმათი თავიდანვე დიდ დახმარებას უწევს გამიჯნურებულ წყვილს: ნესტანსა და ტარიელს. იგი ნესტან-დარეჯანის ერთგული მსახურია, მისი გაუჩინარების შემდეგ კი ტარიელთან ერთად მიდის ინდოეთიდან და გვერდიდან აღარ სცილდება. ასმათის მსახურად მიჩნევა, ვფიქრობ, გამართლებული არ არის, რადგან მისი დამოკიდებულება ტარიელთან და ნესტან-დარეჯანთან პატიოსანია და ყმის ურთიერთობას ბევრად სცილდება. ასმათი ყოველგვარი სარგებლის მიღების გარეშე აკეთებს მათთვის ყველაფერს. მან რამდენჯერმე თქვა უარი სარგებლის მიღებაზე, პირველად მაშინ, როცა ტარიელს ნესტანის მიერ მიწერილი წიგნი მიუტანა – ტარიელი მას უამრავ რჩეულ ოქროს სთავაზობს, ის კი მხოლოდ ერთ ბეჭედს იღებს, იმასაც მხოლოდ სიმბოლურად, როგორც საჩუქარს მეგობრისგან. მეორედ ნესტან-დარეჯანის პოემის შემდეგ

ეუბნება უარს ტარიელს, როცა ის ერთ სახელმწიფოს სთავაზობს და ეუბნება, ვინც უნდა იქმროს და მისგან ნაჩუქარ სახელმწიფოს უპატრონოს. ასმათი არც ამჯერად იღებს მეგობრისგან სამსახურის სანაცვლოს, რადგან მისი მეგობრობა უანგაროა. იგი მზად არის მეგობრების გამო ყველაფერი გააკეთოს, სანაცვლოდ არაფერი უნდა. მისი მეგობრობა ნდობაზე, ერთგულებაზე და სიყვარულზეა დაფუძნებული. ასმათი მზად არის საკუთარი სიცოცხლე შესწიროს ტარიელის მეგობრობას. შეგახსენებთ ეპიზოდს, როგორ ემუქრება გონებაარეული ავთანდილი ასმათს, ყელზე დანის მიბჯნამაც ვერ გატყუა ქალი და გაშმაგებულ ავთანდილს შემდეგი სიტყვებით მიმართავს:

„ჩემი სიკვდილი შენ ჩემად პატიჟად ნურად გგონია მით რომე დამხსნი სიკვდილსა, შემშრების ცრემლთა ფონია“.

ასმათი მზად არის მოკვდეს მეგობრის გამო, ავთანდილს არწმუნებს, რომ არაფრად უღირს სიცოცხლე და არც სიკვდილის შიში აქვს. ტარიელს, თავის მხრივ, ბოლომდე ჰყავს შეცნობილი თავისი ერთგული მეგობარი და, თუ რაოდენ დიდია მისი პატივისცემა ასმათის მიმართ, რომელსაც „დას“ უწოდებს, მისი სიტყვებიდან კიდევ უფრო ცხადი ხდება. „ესე ქალი არ დამაგდებს“ – ეუბნება ის ავთანდილს. ტარიელი დარწმუნებულია, რომ ასმათი არასდროს მიატოვებს, მის გვერდით იქნება სიკვდილამდე და სიკვდილის შემდეგაც მისი დამტკრებული და პატრონი იქნება. ასმათს შემდეგი სიტყვებით მიმართავს:

„მკვდარი მნახო, დამიტირე, სუნთქვა გაათანისთანე მე სამარე გამოთხარე, აქა მინა მიაკვანე“.

მაგრამ ასმათი მასავით პესიმისტურად განწყობილი როდია, მას უდიდესი მისია აკისრია – ტარიელის ამქვეყნისაკენ შემობრუნება. ასმათი მასთან ერთად ღვრის ცრემლებს, ტირის მასთან ერთად და მის გარეშეც, მის გამო, მაგრამ როდესაც ყრის ფარ-ხმალს, იგი ტარიელს მუდმივად ბრძოლისკენ, მოქმედებისკენ უბიძგებს. მხოლოდ მისი მესაიდუმლე კი არ არის, მისი ჭირის თანაზიარია. ასმათი ბრძენი ქალია, იცის, რომ ტარიელს დახმარება, გვერდით მეგობარი სჭირდება. არწმუნებს მას, რომ მარტოსულად, ეულად ყოფნა არაფერს არცაგებს:

„არას კაცსა არ იახლებ საუბრად და შემაქცევრად, მას მავითა ვერას არგებ, დღეთა შენთა ცუდად ლევ რად“.

ასმათმა უდიდესი გონიერება გამოავლინა, როდესაც ავთანდილისა და ტარიელის შეხვედრა დაგვგმა. მას კარგად ჰყავს შეცნობილი თავისი მეგობარი, იცის რომ ტარიელს წინანსარ შემზადება სჭირდება, რათა შესაფერისად მიიღოს ავთანდილი. სწორედ გათვალა შესაძლო შედეგიც, ავთანდილი გაიცნო და მიხვდა, რომ საჭირო კაცი იყო და მას შეეძლო ტარიელის დახმარება. ასმათის გამჭრიახობამ შედეგი გამოიღო – ავთანდილი და ტარიელი დაამეგობრა. ვფიქრობ, ასმათმა ეს ყველაფერი არა ავთანდილისთვის, არამედ ტარიელისთვის გააკეთა, თუმცა აქვე უნდა აღინიშნოს, რომ გარკვეულ

დახმარებას უწევს იგი ავთანდილსაც. ასმათი, უპირველეს ყოვლისა, ტარიელის მეგობარია და მისი ბედნიერებისთვის იბრძვის, რაც კიდევ ერთხელ ხდება ცხადი ეპიზოდში – როგორ ეხვეწება იგი ავთანდილს მალე დაბრუნდეს მათთან.

ასმათი რომ მისთვის და არის, ამას არაერთხელ უსვამს ხაზს ტარიელი. მისთვის მეგობარი მეგობარია და არ აქვს მნიშვნელობა ქალი იქნება თუ კაცი, მის შემდეგ სიტყვებში იკითხება:

„ვინცა კაცმან ძმა იძმოს, თუ დაცა იდოს, ხამს, თუ მისთვის სიკვდილსა და ჭირსა თავი არ დარიდოს“.

ტარიელი მზად არის, თუ საჭირო იქნება, თავი გასწიროს ასმათისთვის. მას უყვარს და ებრალება ასმათი და სწორედ მისი არსებობა ხდება მისი სიცოცხლის მიზეზი: „ვა შენი ბრალი, და, თვარა სიკვდილი ჩემი ლხინია“ – ეუბნება იგი ასმათს, რადგან მიიჩნევს, რომ ამქვეყნად აღარაფერი დარჩენია, გარდა მუდმივად მომლოდინე ასმათისა. ტარიელი მიდის გამოქვაბულიდან და ასმათმა არასდროს არ იცის, უკან დაბრუნდება თუ არა. მისი ყოველი დაბრუნება ასმათისათვის უდიდესი ბედნიერებაა, რასაც მათი შეხვედრისა და განშორების (სცენებიც მონშობს. მათი შეხვედრა სიხარულითაა აღსავსე, ხოლო განშორება – უდიდესი მწუხარებით.

მუდმივად მეგობრის მომლოდინე ასმათი ტარიელს დაკარგვის უფლებას არ აძლევს. ეს არ არის მხოლოდ ფიზიკური ლოდინი, უფრო ღრმა სულიერი ტკივილით აღსავსე მოლოდინია. ტარიელის დაკარგვა ასმათის დაკარგვას ნიშნავს, რადგან ასმათი მისი ცხოვრებით ცხოვრობს და ბოლომდე მის გვერდით რჩება. ტარიელმა იცის, რომ ასმათის მსგავსი მეგობარი მეორე არ არსებობს, იგი მას შემდეგ სიტყვებს ეუბნება: „რაცა შენ ჰქმენ, არ უქნია არ გამზრდელსა, არცა ზრდილსა“.

ტარიელი სულ ცდილობს, სიკეთე სიკეთით გადაუხადოს, მაგრამ ასმათისთვის ერთადერთი სიკეთეა და ბედნიერება არსებობს – ტარიელის ბედნიერებით გახარება. სწორედ ეს გახდა შუსაუკუნეების უმთავრესი საფიქრალი, მთავარი საზრისი – სხვისი სიხარულით გახარება, „სხვათა გახარება“ იმისთვის, რომ შემდგომ შენც გაიხარო.

ქართულსა თუ მსოფლიო ლიტერატურაში სანიშნუო მეგობრობის არაერთი მნიშვნელოვანი და ღირებული ნაწარმოები შექმნილა, მაგრამ რუსთაველი იყო ერთ-ერთი პირველი, ვინც ქალისა და მამაკაცის მეგობრობით ახალი სიტყვა თქვა მწერლობის ისტორიაში, რაც რენესანსის ეპოქის ერთ-ერთ ხმამალად გამოძახებულ უნდა მივიჩნიოთ. რუსთაველმა ქალის და კაცის, მანამდე უცხო, წმინდა და-ძმური სიყვარულის მონშეები გაგვხადა და უმაღლეს ზნეობრივ იდეალებს გვაზიარა.

ოლია მათიოფვილი
იაკობ გოგებაშვილის სახელობის
თელავის სახელმწიფო უნივერსიტეტის ქართული ენისა და
ლიტერატურის სპეციალობის მეორე კურსის სტუდენტი

ინფორმაცია

STEM – საბანანათლებლო სისტემაზე დაფუძნებული კურსები

საქართველოს ტექნიკურ უნივერსიტეტში მოსწავლეებმა საინჟინრო ტექნოლოგიების, პროგრამირებისა და მათემატიკის მიმართულებით შექმნილი საკუთარი პროექტები წარმოადგინეს. პრეზენტაციას საქართველოს განათლებისა და მეცნიერების მინისტრის მოადგილე ლია გიგაური, ტექნიკური უნივერსიტეტის რექტორი არჩილ ფრანგიშვილი და პროექტში ჩართული სკოლების წარმომადგენლები დაესწრნენ. გამოყენებით ოპტიკაში, ელექტრონობაში და მაგნეტიზმში შექმნილმა პროექტებმა, მოსწავლეების მიერ დამზადებულმა საგანმანათლებლო რობოტოტექნიკამ და მათმა პროგრამირებამ აუდიტორიის დიდი მონაწილეობა დაიმსახურა.

მოზარდებმა პროექტები, STEM (Science, Technology, Engineering, Mathematics) – საგანმანათლებლო სისტემაზე დაფუძნებული კურსების ფარგლებში, თანამედროვე ტექნოლოგიების გამოყენებით შექმნეს. აღნიშნული კურსები სკოლებსა და ტექნიკური უნივერსიტეტის საინჟინრო ფიზიკის დეპარტამენტს შორის აქტიური თანამშრომლობით ხორციელდება. კურსებს ვირტუალური მოდელირების ცენტრის ხელმძღვანელი, პროფესორი დავით სონლულაშვილი და ფიზიკის დეპარტამენტის წარმომადგენლები უძღვებიან.

კლასგარეშე კურსი STEM-ით დაინტერესებულ მოსწავლეებს ხელნაკეთი ლაბორატორიების, საბუნებისმეტყველო საგნებისთვის ელექტრონული რესურსებისა და ვიზუალური თვალსაჩინო მასალის შექმნაში ეხმარება. გაკვეთილებზე მოსწავლეებს, თეორიული ცოდნის გაღრმავებასთან ერთად, მისი პრაქტიკული გამოყენების თვალსაჩინოდ ნახვის საშუალება აქვთ, რაც მათში საბუნებისმეტყველო საგნების შესწავლის მოტივაციას ამაღლებს და ზრდის ინტერესს ინოვაციური სამეცნიერო ტექნოლოგიების მიმართ.


ლია გიგაური: „ნიჭიერი მოსწავლეების გამოვლენა, მათი მხარდაჭერა, ციფრული სამეცნიერო ტექნოლოგიებით დაინტერესება განათლების პოლიტიკის ერთ-ერთი მნიშვნელოვანი პრიორიტეტია. ასეთი პროექტები, სხვადასხვა კონკურსები მნიშვნელოვნად განაპირობებს მოსწავლეთა ინტერესის გაღვივებას, მათი მოტივაციის შექმნას, უკეთ ისწავლონ საბუნებისმეტყველო საგნები, რაც მთავარია, პრაქტიკაში მათი მოქმედების დიაგნოსის გაფართოებას. ძალიან მნიშვნელოვანია, ამ მიმართულებით, სკოლებს შორის თანამშრომლობა. დღევანდელი პრეზენტაციები სწორედ ასეთი თანამშრომლობის მაგალითია – როგორ დავინტერესოთ მოსწავლეები საბუნებისმეტყველო

საგნებით, ჩავრთოთ სხვადასხვა პროექტებში და, რაც მთავარია, თითოეულ მოსწავლეს სჯეროდეს, რომ სწორედ ის არის ახალი მსოფლიოს, ახალი ტექნოლოგიების შემქმნელი და მისი გამოგონება აუცილებლად გამოადგება მომავალ სამყაროს. ეს ძალიან მნიშვნელოვანია მოტივაციის შესაქმნელად და სწავლის მიმართ ინტერესის გასაღვივებლად“.

დავით სონლულაშვილი: „პროექტის მიზანია, პირველ რიგში, სკოლის მერხიდან გავზარდოთ ისეთი ბავშვები, რომლებიც, მომავალში, ჩვენი სტუდენტები გახდებიან, ანუ შევარჩიოთ თანამედროვე ტექნოლოგიების გამოყენებას, პროექტების შექმნას, აზროვნებას. ამიტომ ფორმდება მეორხედში სკოლებთან, შემდეგ ჩვენ ვმუშაობთ ამ ბავშვებთან და ისინი დამოუკიდებლად ქმნიან პროდუქტს. ახლა რაც ნახეთ, ეს მათი შექმნილი რეალური პროექტებია, რომლებიც უკვე ფუნქციონირებს. ყველაფერი ეს ინოვაციურ ტექნოლოგიებსა და თანამედროვე მიღწევებზეა დაფუძნებული“.

ევატერინე სლოვინსკი, მათემატიკის, მეცნიერებისა და ტექნოლოგიების მიმართულების ხელმძღვანელი, ეროვნული სასწავლო გეგმების დეპარტამენტი: „ბატონი დავით სონლულაშვილის მიერ შექმნილი პროგრამა მნიშვნელოვანია იმ თვალსაზრისით, რომ მოსწავლეები კონკრეტული პროდუქტების შექმნის თანამონაწილეები ხდებიან – ერთი მხრივ, ეზარებოთ თანამედროვე ტექნოლოგიებს და, მეორე მხრივ, თვითონ არიან ჩართული სწავლის პროცესში. თავისთავად ეს პროექტი მოსწავლეებს შემოქმედებითი უნარების გამოუმუშავებისკენ და გარკვეული ტიპის პრობლემების გადაჭრისკენ უბიძგებს. ცალკეა აღსანიშნავი თვითონ ბატონი დავითის მონაწილეობა, მისი როლი, თუ როგორ შემოქმედებითად უდგება სწავლების პროცესს და როგორ უდგას მხარში ამ მოსწავლეების განვითარებას. ყოველ ჯერზე, როდესაც ვხვდებით, მის ამ დიდ ნამონყებას ახალი იდეები და ახალი პროექტები ემატება.“

ძალიან მნიშვნელოვანია თავისთავად ამ პროექტისა და ისეთი ინსტიტუციების არსებობა, რომლებიც მსგავს ადამიანებს მხარში დაუდგებიან და ხელს შეუწყობენ მათ იდეების რეალიზებაში. ამ შემთხვევაში, ტექნიკური უნივერსიტეტისა და ბატონი დავითის თანამშრომლობის შედეგად ძალიან მნიშვნელოვანი საქმე კეთდება. ყველაზე სასიხარულო აღბათ ის არის, რომ აღმოჩნდნენ სკოლები, რომლებიც მზაობას გამოთქვამენ, მიიღონ ეს იდეები, დაანერგონ სკოლაში და ხელი შეუწყონ მ ძალიან საინტერესო პროექტების მოსწავლეებამდე მიტანას და



რეალიზებას. ყველა სკოლა არ არის ამისთვის მზად – არც მასწავლებლები, არც ადმინისტრაცია. აქედან გამომდინარე, ვფიქრობ, საჭიროა ისეთი სკოლების აღნიშვნა და მათი მზაობის დაფასება, რომლებიც ხელს უწყობენ ტექნოლოგიურ პროექტებში მოსწავლეების ჩართვას“.

დედოფლისწყაროს მუნიციპალიტეტის ხორნაბუჯის საჯარო სკოლის დირექტორი ნელი საბიაშვილი-აფციაური და პედაგოგიური კოლექტივი ღრმა მწუხარებას გამოთქვამენ, რომ ხანმოკლე, მძიმე ავადმყოფობის შედეგად გარდაიცვალა ამავე სკოლის მათემატიკის სერტიფიცირებული პედაგოგი დონარი ოზბათილაშვილი და გულწრფელ სამძიმარს უცხადებენ განსვენებულის ოჯახის წევრებს და ახლობლებს.

თბილისის ივ. ჯავახიშვილის სახელობის სახელმწიფო უნივერსიტეტის მექანიკა-მათემატიკის ფაკულტეტის 1984-85 სასწავლო წლის კურსდამთავრებული მწუხარებით იუწყებიან თანაკურსელის, შესანიშნავი მეგობრის დონარი ოზბათილაშვილის გარდაცვალებას და თანაგრძნობას უცხადებენ მის მშობლებს – ქალბატონ მზიას, ბატონ ოთარს (ოქროს) და დას – ლალი ოზბათილაშვილს.



მიმდინარეობს ხელმოწერა

შეავსეთ სკოლის ბიბლიოთეკა

ქართული მწერლების ნაწარმოებებით

ვაჟა-ფშაველა (10-ტომიანი)

I-VI ტომი - 11 ლარი

მინაილ ჯავახიშვილი (7-ტომიანი)

I-VII ტომი - 12 ლარი

ედიშერ ღიზინი (2-ტომიანი)

I-II ტომი - 15 ლარი

კონსტანტინე გამსახურდია (10-ტომიანი)

I, VI, VII, VIII, IX, X ტომი - 16 ლარი,

II, IV-V ტომი - 18 ლარი

რევაზ ინანიშვილი (6-ტომიანი)

I-VI ტომი - 14 ლარი

ვასტანო ჭელიძე (9-ტომიანი)

I-VII ტომი - 12 ლარი

ბრიგოლ აბაშიძე (6-ტომიანი)

I-V ტომი - 12 ლარი

ოტიბა იოსელიანი (10-ტომიანი)

I, III, IV, V, VI, IX, X ტომი - 12 ლარი

თამაზ ჭილაძე (6-ტომიანი)

I-VI ტომი - 10 ლარი

გოდერძი ჩოხელი (5-ტომიანი)

I-V ტომი - 14 ლარი

მითითებულია თითო ტომის ფასი

თემატური კლასიკები

დაწყებითი კლასებისთვის

(42X59.4 სმ)

- 1. წელიწადის დროები: შემოდგომა-ზამთარი
2. წელიწადის დროები: გაზაფხული-ზაფხული
3. ფერები
4. ბარბული ცხოველები
5. ბარბული ფრინველები
6. პრეზენტები
7. შინაური ცხოველები და ფრინველები
8. პიტიონის ნივთები
9. საოჯახო ნივთები
10. ტრანსპორტი
11. ზღვის ბინადრები
12. ტანსაცმელი
13. სილი
14. გოსტეული
15. ჩემი სკოლა
16. ფორმა
17. რიცხვები
18. რის შვილს რა ჰქვია
19. მწერები
20. ამინდი
21. მცენარეები
22. საპირისპირო ცნებები
23. ქალაქი
24. სოფელი
25. სპორტის სახეობები
26. ზღაპრის გმირები
27. ჩემი საქართველო
28. ქართული ანბანი
29. ინგლისური ანბანი
30. რომელი საათია

ფასი - 2.90 ლარი

მალაქი კლასებისთვის

(59.4X84.1 სმ)

- 1. რელიგიების წარმოშობა
2. ბარბული ფრინველები საქართველოში
3. ბარბული ცხოველები საქართველოში
4. მწერები
5. ძველმეცნიერები საქართველოში
6. საქართველოს მცენარეები
7. სამხარისო წარმოშობა
8. ნიდაბი - სიცოცხლის წყარო
9. რეპტილიები და დინოზავრები
10. ზღვის დინეები
11. ძირითადი ელემენტების პერიოდული სისტემა
12. ქართული მითების შიგნითა და საგარეო ტიპები
13. მსოფლიოს შვიდი საოცრება

ფასი - 4 ლარი

მითითებულია ერთი ტომის ფასი



წიგნი I
კველი ქართული მწერლობა;
წიგნი II
„ვეფხისტყაოსანი“;
წიგნი III
XIX საუკუნის მწერლობა
წიგნი IV
XX საუკუნის მწერლობა



თამარ გელიტაშვილი,
ამირან გომარტელი

მითითებულია კრებულის ფასი - 12 ლარი




საგარეო მხარეები
რეალური
ქართული
მართლმადიდებელი
მართლმადიდებელი
მართლმადიდებელი

10 ლარი

საყვანელი ენციკლოპედია

თითო ტომის ფასი - 12 ლარი

- ავტომობილი
სამგზო
უდაბნო
გამოგონებები
ბანკის ძიება
გლადიატორები
დრო და კალენდარი
კველი ეგვიპტე
ეპროვა
ვიკინგები
ფიციკა
ახსნილი და აუხსნილი
ფენომენები
კომპიუტერი და ციფრული
უკველესი ადამიანები
მათემატიკა
კველი რომი
კველი საბჭოეთი



რა არის რა

გთავაზობთ 10 ტომს

ენციკლოპედიის სერიის „რა არის რა“

საყვანელი ფასად.

თითო ტომს, 12 ლარს ნაცვად, 9 ლარად მიიღებს.



ხელმოწერის თანხა გადმორიცხეთ
რეკვიზიტებზე:

მიმღები - შპს „ახალი განათლება“,
ს/კ 202058735, ა/ა GE93LB0113314052305000,
ს/ს „ლიბერთი ბანკი“, ბ/კ LBRTGE22
შურაღვება ფიზიკურმა პირებმა, თანხის
გადმორიცხვისას, მიუთითეთ პირადი ნომერი

მწერალთა
კორტირები
(34X47 სმ)

- 1. მინაილ ჯავახიშვილი
2. მიორბი ლონიძე
3. ირაკლი აბაშიძე
4. ნოდარ დუმბაძე
5. აკაკი წერეთელი
6. კონსტანტინე გამსახურდია
7. პაულ იაშვილი
8. სულხან-საბა ორბელიანი
9. პოლიკარპე აბაბაძე
10. გურამ რეაზიშვილი
11. დავით გურამიშვილი
12. გენიკი
13. რევაზ ინანიშვილი
14. თეიმურაზ I
15. ვასტანო VI
16. მიორბი მირიანაშვილი
17. ბრიგოლ ორბელიანი
18. დავით აღმაშენებელი

4 ლარი

რეპროდუქციები

- 1. ჰორაციუსის ფიცი,
შპს-ში დავიდი
2. მწერალთა
თავგანთავსება,
დომინიკო გირლანდინო
3. ადელ ზღუბ-გაუპის
პორტრეტი, გუსტავ
კლიმტი
4. მინიანი,
დომენიკო ველასკეტი
5. დელფინი სილია,
მიქელანჯელო
6. მსახიობი,
კლოდ მონე
7. უკლევი შვილის
დაბრუნება, რემბრანტი
8. სახანა,
ოგიუსტ რენუარი
9. საკვირეო გასივრება
ბრან შატის კუხულისა,
ჟორჟ სიორა

6.5 ლარი

მსოფლიო კლასიკები

მკვლარი სახლის ჩანაწერები,
თედორე დოსტოვესკი
ცოცხალი სკოლა, ანდრე ჟიდი
გზა ელიტიზმს, ჯონ ბრაინი
რეალური მოთხრობები,
ნიკოლოზ გოგოლი
ტალღები მოგზაური,
ალექსანდრე ბრინი
ტკობა,
გაბრიელე დანტე
დედაჩემი, ალბერტ კიენი
პეპსი,
ალექსანდრე დიუმა
დონ კისტის დაბრუნება,
გილბერტ კით ჩესტერტონი
დროის ინსტიტუტი,
ავიდე პაფი ტანტინარი
ფიცი ბრინი,
თედორე ფონტანე
ილინი ვინეტი,
პრუსკი მირიანე
პეპსიური მოთხრობები,
ლევ ტოლსტოი
კვარტალი, გინ რიდი
ლუკა ჯიდი,
ჯორჯ კონრადი
გადამ გოგარი,
გუსტავ ფლოპიანი
სარსული წერილები,
ზარლ ლუი დე მონტესკიე

მოუთხრობა გულის,
შტეფან ცვაიგი
მოთხრობა,
ალბერტო მორავია
ორი რომანი,
მიგელ დელიბეტი
პერიოდული მოთხრობების
ტაბატი, ვიქტორ ჰიუგო
მოთხრობები,
ალექსანდრე პუშკინი
რეალური მოთხრობები,
ჯონ გოლდსუორთი
სატანის ელემენტები,
ერნსტ ჰოფმანი
სამხარისო ჩრდილოეთ
ჩინეთიდან,
მარგარიტ დიურასი
ტალღები ვინეტი,
ვილ ჯოლა
დამოუკიდებელი
რაფაელ საბათინი
მითები და შავი, სტანდალი
ტრეპი საბურველი,
სოფრისტო მოვიანი
ჯავახი, ჯიდი კუპერი
ლინტინები,
ვილჰელმ ჰაუფი
უკლევი სახურავი,
შან ჟიორე

მითითებულია ფასი - 15 ლარი

